




太倉稊米集

利

乙百五十八葉





太倉稊米集卷第二十一

詩六十二首

酌六一泉頗懷昔遊

孤山屹中流長隄轉湖尾  
泯默懷昔遊踴躍尚壯  
齒道人引清甘一掬託分似  
重來固依然歲月  
今有幾華堂失雄觀缺甃久未理  
誰令走鼃鼃  
役聿便如鬼龍宮空一炬狗盜忽四起  
佳處不  
負人環山自湖水並遊適相契  
况我二三子  
少  
留當何之再來吾老矣



黃文若攜秦別駕侍兒像見過戲題二絕



能事空傳王右丞句如徐庾轉難名  
明眸正似溪光樣自古無人昼得成

謝家林下小梅花不着紅藍染絳紗  
莫笑昼師無國手玉肌元不受鉛華  
秦別駕名巨

羅叔共五色線中得玄真子漁父詞擬  
其體僕亦擬作六首叔共名殊

好箇神仙張志和平生只是一漁簑  
和月醉棹舡歌樂在江湖可奈何

禁中圖書訪玄真晚得歌詞獻紫宸  
天一笑物皆春依舊扁舟釣白蘋

解印歸來暫結廬有時同釣水西魚閑着履醉

騎驢分明人在輞川圖

趁梅尋得水邊枝獨棹漁舟却過谿  
人似玉醉

如泥閑歌五色線中詩

人間何物是窮通終向烟波作釣翁  
江不動月

橫空漫即舡過小回中

花姑溪上鷺鷥灘辜負漁竿二十年  
無可載不

拋官攜取全家去不難

次韻黃文若春日山行過秦德久六首

百金聊作杖頭沽旋剪春苗薦野蔬  
便可其傾



陶令酒未湏真憶季鷹魚

眼前風物一番新江上桃花惱殺人可笑草玄  
窓下客滿庭吹絮不知春

階前春草喚愁生屋上鳴鳩報晚晴忽有好詩  
來照眼似逃空谷聽人聲

不作林間曳履行老來春事總無情還驚柳上  
風催鶯又見花邊雨弄晴

櫻桃花下小窓扉聞說蟬娟是柳枝茗椀已煩  
羅袖打篆香仍借好風吹

鳥啼花發未春闌日飲無何意自閑更喚小蠻

娛醉客主人風味似香山

追和向蘇州罷吳門作

幕北傳烽飛夕埃廟堂今日要真才肯將身向

急流退要問客從何處來寶墨光翻銀漢落畫

舫恩重錦帆開曾中立壑公元有便恐鷓夷挽

不回

追和向蘇州頃在吳門嘗用常應物作  
凝香閣舊有白公檜今不復存為補植之

常白兩公名欲埃薌林一出未難才樹從居士  
池邊種香入蘇州向裏來陶令北窓應好在何



即東閣為誰開二疎歸後今重見遙想都門張  
飲迴

追和向蘇州舟次京口聞召諸公簡朝  
中知舊

聖主思清戰騎埃  
盡將尺一起群才  
匈奴莫向雲中入  
尚父今從海上来  
繡袷不當羶毳用  
玉關寧為犬羊開  
公冠已掛知何事  
猶有忠腸日九迴

古風一首別李守若虛

東南富佳郡  
此地復名城  
拜策奉溫詔  
謂帝辭

明庭悠々出金闕  
旆々搖熊旌  
蘭風霽微和  
玉

露漑以零征  
顰蕭郊壘嘯  
詠閑齋鈴  
微生等薜

蘿託根附餘榮  
誤遭一笑  
所永懷  
千古情  
千古

不足多喜  
過罕所并  
白璧勿漫予  
按劍徒取憎

逸足思長途  
勁翮慕遠漢  
壯志忽蹉跎  
功名失

華旦孤芳不自惜  
靡々同草蔓  
飢寒日劬勞  
霜

雪念衰晏眇焉尚  
遐征過車指芳甸  
故國念離

憂高軒增老戀  
會當酬知心  
努力加餐飯  
微勇

或可賈未知南山粲

叔共出近詩百餘篇  
攜歸燈下讀  
竟題



小詩其後三首

避地兩家三五口只今那忍記當時誰知臨老  
相逢日猶得重看亂後詩

翠鬟當戶山如染足練繞簷江自寒縱有鵝谿  
誰寫得要從無色畫中看

東平不復嘆塗窮有姪賢如阮仲容淨現菴中  
詩作社水西山下酒分鐘

讀巴東集二首

熟睡能令虜退師高談聊決廟堂疑胡塵洗盡  
渾無事却卷波瀾入小詩

談笑成盧事亦唯一言能借百年安群姦未死  
公休恨但遣枯枝作歲寒

次韻韓伯嘉擬陸龜蒙坐眠行倚食冬

書吟八題

口角瀾翻二十年書多却厭腹便々年來拗折  
枯藤杖參得跏趺面壁禪

黑甜有味要須嘗一枕誰同夜兩床世路風波  
難著脚老來當以夢為鄉

年來勃窣與誰遊林下婆婆萬事休草淺沙平  
谿路穩漫郎空棹小回舟



夢中槩亂得常憑更有南窓可寄情便是人間  
好消息別無勝解不須評  
平生不識大官餘小摘時尋雪後蔬一歲不齋  
能幾日北山松韭未宜踈  
伎痒撩人不易禁讀殘書葉喜重臨牙籤玉軸  
知多少浪与兒童較寸陰  
妙畫心傳豈李能是中真樂不容聲譏評盡入  
雌黃口寫得吾心不要名  
老來無意作悲秋不奈庾郎知處愁  
何日了人間風雨幾時休  
何日了人間風雨幾時休

謁顏魯公祠時新築懷忠堂云

平生高目看兒童晚喜低頭拜魯公  
政恐父師千載後未輸丞相百年中  
投諸魑魅知何事碎得獲猊有底功  
長遣忠臣泣遺恨謾營華屋照  
豐容

吳興道中過落石祠廟貌甚嚴勝云唐

李英公廟

天厭孤隋失群醜鹿走中原死誰手  
爬搔痒疥不足平虬鬣少年十八九  
經營四海多腹心英公扶持真臂肘  
從來斷國要老成公獨含飴燕



可否留得宮中老孽妻幾覆昭陵一杯酒蚤歲  
功名塞天破九廟立墟只回首狐埋未幾狐掘  
之天上浮雲倏蒼狗更憑頑石作靈祠頗似當  
年柳州柳不知梁公摩虎鬚為言百歲不耐姑  
提師十萬復誰可興邦一言還要渠人間萬事  
未難料老將未須輕腐儒

河橋晚思三首

出門猶未夕陽低倚杖還驚露濕衣等得樹頭  
鴉定後會邀林外月同歸  
兩後津橋飲斷虹暮林重噪一蟬風月來烟隴

掛玉珞雲向碧天成峭峯

秋水平隄帶雨渾小橋分港到籬根晚來幽事  
亦可喜息有漁舟時傍門

次韻德莊送別

千里辭家復卧病賴君一笑肯相過夢看赤鯉  
春騰浪歸見牽牛秋渡河空裏嬾能書恠事酒  
中自可作無何一竿忍負平生意重釣花姑溪  
上波

烏帽前頭沒馬塵箇中元自不無人風流公是  
習主簿文字我慙陰子春此日定交真有意一



生弔影復誰親相從又失秋來約已結茅椽著  
病身

題黃縣丞墨牛

一牛飽卧春草絲一牛下坡引黃犢長安可笑  
入海中眼前見此三齋鯨詩翁老去飢滿腹歸  
把春犁豈非欲人生所願能幾何百畝良田一  
牛足

鹿苑假寐

掛席月未落輟棹日將午亟尋墟里烟  
盡閱菱芡浦烈日方在舟騰雲未成雨瀕河得風巖佛

飯過齋鼓合龍燈明廣殿妙炷繞殘縷窈窕幾僧  
窻款欠無一語我來兀晝夢得句瘖不吐歌巾  
倒烏紗墮扇橫白羽涼襟亦已披歸杖當復拄  
為君趣扁舟夜雨軋鳴櫓

次韻崔都巡馬上望天目山

雨後青雲萬里開翠螺新染玉縈迴將軍馬健  
隨風去天目山高入眼來稚子能文非好武君  
王賦韻不為才且將橫壑新傳句獨對西風侑  
一盃

茗雪舟中戲題

時赴官行在官  
舍在西湖上



永日扁舟破浪遲青蘋不動柳低垂滿川安得  
飛來兩看濕紅裙雪藕絲

再賦二首

故國辭家遠蒼溪轉旆深交遊千里隔歲月二  
毛侵滿意悲煙樹移時看水禽唯應陸魯望相  
見可知心

雲暗千家雨寒生兩岸秋水翻波入戶人靚玉  
明樓山色遮愁眼荷香滿客舟水晶宮裏夢還  
作此生遊

舟曉

暝鳥驚飛急孤舟犯曉行拖牙侵月白帆腹受  
風輕雲破千峯出秋隨一雨生倚檣誰共語蓬  
首看參橫

舟中晚色二絕

望處天仍闊雲邊雨未成秋風莫吹散留作打  
篷聲風急雨初過天高日未曛翠鬟堆晚岫水  
墨畫秋雲

臨安道中晚晴書所見

客路鄉關遠雲山暮色添秋高尚寒薄雨過却  
風恬附隴田成陞傾崖水作簾此行殊不惡未



愧賈胡淹

何日王摩詰  
瀟湘昼短屏  
扁舟橫遠壑  
晚翼在青冥  
木杪收殘照  
雲間得數星  
吳姬不驚客  
拜月不中庭

西湖寒食

落花殘絮憶西園  
寒食歸心似紙鷓  
無復御廊分冷食  
又看茅屋禁清煙

十日不至湖上

我始跨匹馬  
躑躅來東吳  
東吳亦何有  
政復為西湖  
西湖西湖如靜女  
婉然真彼姝  
湘娥結煙鬟  
水

鏡涵空虛晴光固不惡  
兩態亦自殊  
窈窕一僧窻煙雲媚  
朝脯上下數白鳥  
飛翻與人娛  
只今兩鳴葉便作波跳珠  
寒窻掛薜蘿  
身疑在菰蒲  
咫尺不得往  
况乃千里餘  
始來梅欲花  
旋復春云徂  
幸茲得少留  
駐我西征車  
尚可具小舟  
紅

醉芙蓉

蘇公隄

翰林一去幾經秋  
猶有平隄繞碧流  
誰向西州還度曲  
此翁零落已山丘

次韻關子東節杖

關注字子東  
演之兄杭人有詩行于世



林下相從政要君春來花草各欣：須煩無語  
木上座時伴能言鄭廣文徒步飽看山入眼醉  
歸應有句凌雲誰知九節仙人杖解與先生立  
茂勳

悶題

壬戌歲始得官  
時年六十一

命薄官如虱年多鬢似銀酒醺雖有錢少不  
無神含笑花欺老妨眠鳥關人青山渾可去白  
眼莫相嗔

湖隄步遊客言此蘇小墓也

野水橫分青草陂誰埋玉樹與瓊枝湖邊山自

向人綠門外柳今何處垂行兩行雲均是夢施  
朱施粉未相宜一從蕙死蘭枯後剛道桃花好  
面皮

題淨空泉二首泉在北山靈峰寺

誰穿巨石貯清泉不見趨公舊講筵龍伴白雲  
歸寶藏魚隨流水下春田  
欲尋遺事苦無碑老宿猶傳古律師尚恐蜿蜒  
在空谷水清不敢唾方池

送別

扁舟憶東來梅冷殊未芳故人念客寒滿意傾



酒漿坐中東床君笑語芝蘭香相從忽三月共  
飲湖水光花事乃如此碧草日夜長子歸我當  
留語離意難忘似聞小山居一葦儘可航會尋  
雲川盟着屐登上方

晚雨薄寒枕上作

睡過花時常掩閤老人歡意自應闌愁邊可奈  
雨如許客裏不禁天尚寒數月鄉音無鴈到一  
年春事已杳酸夢餘猶憶江頭路擬喚歸舟下  
急湍

奉酬德莊見和一首

老於春事豈相閤只有翻書意未闌白眼何由  
常玩世黑裘元自不遮寒飽聽風雨眠方熟細  
說窮愁語更酸日誦離騷三百字便知新句有  
驚湍



太倉梯米集卷第二十二

詩四十一首

樓居雜句五首

吳江橫絕斷雲間  
白鳥歸飛去不還  
煙樹青連越王國  
暮潮聲過海門山

湖光山影入樓明  
曉色催人夢自驚  
昼棟去天無一握  
青山街月恰三更

上方重閣亂山前  
噴雪跳珠日夜泉  
慙借小樓聽雨睡  
更慙官焙與僧煎

五月江南煙雨時  
吳儂初喜餉楊梅  
綠枝紅子



連山暗應似汙戎摘荔枝  
人間第一東南郡天上飛來碧峭峰  
更乞老僧雙不借為君穿盡玉玲瓏

雨中湖上晚歸書所見三絕句

菰蒲風裏掉歌遲屬玉雙飛欲暮時  
荷葉吹香送歸客片雲催雨濕燕姬

誰家歌管載涼州何處跳珠入掩樓  
山雨忽隨雲渡嶺明眸還與水爭愁

風荷憶伴醉顏紅湖水重來照雪翁  
此世相看寂長久只應南北兩高峰

孤山新作三賢祠

白樂天蘇東坡林和靖

西公才力盡驂騑俱得東南第一州  
易濕青衫江上淚難禁白髮海邊秋  
此生名字依然在晚歲功名亦未酬  
處士若無當日節更將何物配風流

晚至靈峯

綠樹千枝與萬枝靈峰寺裏看楊梅  
青山行盡且歸去紅子熟時應再來

山前山後僧來浴西二三松下行自是眼邊  
無俗物老夫不俗更身輕



五月六日湖上晚歸初見荷花二絕

藕湖煙水欲沉沙  
已着芙蓉一兩花  
擬借短蓑  
隨雨去共誰同把釣魚車

驟、煙柳誰家樹  
拍、西湖盡日風和靖  
宅邊  
山雨急蘇公隄下藕花紅

曉起趨郡湖上作

湖色初分宿霧餘  
綠蒲深處聽跳魚  
一枝聊作  
鳥栖樹五曉尚隨人  
趁虛老矣坐曹真  
戲事歸  
欣懷舊却情疎  
未開禁鑰聽傳漏  
殘夢猶堪付  
竹輿

五月二十二日再葺靜寄

晚將華髮試青杉  
靜寄從來是舊街  
俗子未須  
憐怨鶴老夫元不負  
耕巖晴山有約長相見  
惡  
木妨人要盡  
芟自笑飄零苦無定  
二年來此誦  
琅函

初涼

白露初垂葉輕陰  
漸着衣幽蟲近牀語  
黃葉到  
堦飛暮雨村常暗  
秋風客來歸短檠  
還有意涼  
滿讀書帷

武林逢邵文伯



念昔与君遊相過江水傍  
翮俱少年滿鏡青  
絲長相別二十載四海一戰場  
物色到朋旧十客  
八九亡今年好時節  
匹馬未犯疆將軍鏖金甲  
萬玉朝明堂長安人海中  
袞逢此即驚視久  
乃識兩帽俱垂霜  
撫事念腕脫含凄各酸傷  
便當呼醕醑暖熟澆中腸  
我笑謂君言語離且句  
忙人生如水鳧相值不可常  
况此秋物佳草來  
交青黃与君着雙屐  
尚可相扶將願言遲明發  
歷井升南固

次韻文伯与余遊孤山

客塵費爬搔佳士安推挽  
誰与同薄遊君來慰  
愁眼並湖得名山水色淡平遠  
清泉手可掬汲  
綆不畏短何人談醉翁  
但取瀹茗椀古幹不受  
寒霜露閱歲晚向來後庭花  
想像空婉孌堂  
西使君摹昼暗丹粉  
名節冠今古風流未渠泯  
起士一癯儒萬像供偃蹇  
珠玉儼在前未肯作  
寒窘勝遊那可既客意殊未滿  
更當窮兩高豈  
復悔重趼果腹尚可期  
嘗得安一啻

秋夜聞雨

堂空自生秋涼簟已無  
暑幽蟲含微酸唧唧相對



語天公知客意夜寂誰与処今上御名勿遣西風吹斷  
芭蕉雨

酌在井泉書聰師房二首

千里泉聲咽斷巖繡衣玄袞閑珠龕老翁不要  
千山雨只乞龍君一酌甘  
八十霜髭不出門老師猶是辯才孫高人已復  
如雲散旧事那堪与客論

太孛落成二首

偃革逢華旦三雍識漢儀明倫先太孛首善自  
京師聖主修文日諸生望幸時宸奎在翰奩萬

目仰宏規

當宁敷文德賢闕喜氣多橫經將正坐講藝忽  
投戈雲擁橋門路風搖辟水波小臣歌圣化無  
地獻菁莪

秋夕卧病効唐人作語

昼閣蘭膏欲尽初小窓留住玉蟾蜍欲知此地  
愁多少一夜秋聲入井梧  
此夜秋懷誰得知幽蟲相語替人悲自從啼破  
黃昏後直到寒窻無月時



道人不受葛藤禪，忝得維摩妙法門。頗怪後三  
猶有說，安從全一便。歸根昭文琴，在何須鼓惠。  
子書多亦費言，聞道山中少來客。爐香清坐與  
誰論。

次韻季長感事

久將華髮寄林泉，尺一呼來近日邊。身退已甘  
无事，老眼明重見太平年。鵝湖鳧去心雖在，長  
樂鐘鳴喜欲顛。解道正元朝士少，劉郎定自有  
新篇。

種罌粟

牆根有地一弓許，人言可種數十竹。翁來只作  
三年留，僅比浮屠桑下宿。竹成須待五六年，我  
已歸鄉卜新築園。夫笑謂主人言，不如耬苗種  
罌粟。二月春風上翠莖，三月輕紅照深綠。嬌花  
落盡罌不空，碎粒圓時粟初熟。乳膏自入崖蜜  
甜，滿貯醍醐飲僧粥。與其種竹供後人，孰若栽  
花資老腹。人間作計真眼前，萬事皆爾真可憐。  
十年種木尚不肯，百年種德如何緣。倚耬自顧  
頗羞澀，病眼對花空惘然。

周秀實陳庭藻携酒見過徜徉湖山間



甚款明日秀實有詩乃次韻

少年懷二妙一日如三秋豈料京洛間歲暮方  
從游空踈坐晚繆清楚知前修周即古名士功  
以一戰收木丘亦賢者盛德令人羞周旋奉談  
笑領略開羈囚有如我輩人夫豈公等儔窈窕  
尋遠壑共賦臨清流青山儻在眼白髮從滿頭  
西湖如西子好句豈易酬不敢妄作語恐有不  
下鷗微君妙篇章何以寫我憂人生每如此萬  
戶不足侯斯盟儻未寒小艇尚可浮

送喬民瞻赴官閩中

我昔遊梁走千里回望江南隔江水是時公作  
桐汭官不復東來問行李人言左史有重客玉  
面青衫氣豪偉酒催紅蠟詩欲成月墮秋江客  
方起我從京洛塵中來哦君新篇眼如洗濺血  
驚魂二十年長夢清樽奉簪履相逢吳會不相  
識昔年強健今如此如公自是臺閣人老困一  
官何乃爾只今尚作入幕賓無事不令公怒喜  
丈夫要當列鼎食何止忍飢分斗米且須拄頰  
望閩山飽看麥秋丹荔子

送閔康子將還青陽治田



閨即人物妙人間莫作雲長一樣看不到青雲  
知有命頻遭白眼坐無官紉蘭秋浦應須爾索  
米長安政恐唯我欲買田猶未可但令歸夢逐  
征鞍

書杭僧法惠事後見邊即中現音感應  
記

眼中鐵彈不辭枯智并重波事亦殊不用三  
前說法要須六、後還珠

次韻葉兵部九日不出十日登北高峰  
登臨一笑與誰同此事人間未易逢莫恨清樽

負重九且看黃菊笑西風江連碧海潮初上山  
近丹霄路欲通向晚歸來得新句便知雲夢落  
曾中

頃歲盜起徽嚴間兵既臨城部使者而  
下皆棄官以走別乘強幼安攝郡事解  
衣高卧而賊不至城遂以全僕嘗作送  
行詩以書其事後二十一年歲癸亥幼  
安始得州相遇於錢塘幼安猶能誦鄙  
詩而余漫不復省矣手錄見遺讀之惘  
然為題三絕其後



當年玉食軫深憂  
兩月東南棄八州  
只有孤城強別駕  
醉中看雪倚江樓  
使君功大苦難酬  
埋沒孤忠二十秋  
便擁一麾知未稱  
伯即猶解得涼州  
江上孤城欲破時  
閉門高卧復誰知  
我無文字銘金石  
安用煩君寫惡詩

張鼇詩并引

青城山道士張鼇者清獻趙公客也鼇從公游甚久嘗於夜半酒間得雙鱸於盆盎如左慈為曹公得鱸魚故事人頗

異之後數日別公而去出懷中秘書一篇以授公曰讀此書則黃金可成願勿泄也公笑而不答命取火焚之鼇喜曰公自是可延壽一紀已而果然錢塘強行父幼安清獻出也嘗作詩紀其事出示僕且使同賦以附卷尾

曹瞞舉漢鼎一目窺九州  
凌轢欺孤兒大蒙口  
舌羞左慈有道者何為  
與之游堂上清獻公盛  
德豈操傳鼇乃元放徒  
為公亦少留了知高世  
士至意俱難求先生兩  
琴鶴清節貫白頭雅宜



鴻寶書取火遽自投公今騎箕尾笑談閱千秋  
椿年亦細事蟻夢輕封侯強侯公自出矯亦  
此流作詩紀異事誓將踵前修媿乏大手筆為  
公著嘉猷

去年聞載揚在武林及余至而載揚卧  
病已久逮其歸則逝矣乃追用往時九  
日詩韻以悼其亡

與君一別幾經秋忽作修文地下遊詩憶向來  
雲態度人今何在柳風流西湖煙月生前恨客路  
風霜晚歲愁勝日交游半零落數行老泪倩誰

收

次韻德莊惠南城紙衾且示妙句

范公古遺直富貴不自娛平生一布衾歲晚眠

鹿麕踈至今鏡新銘尚得司馬書此老抱剛節豈

與公孫俱乃知枯槁士白單良復須南城謂紙衾為白單

衰年忍風露躑躅來東吳感君借餘温此意知

何如青氎寄幽夢蕙帳羞吾廬得此林下具爛

錦不願餘况乃繫佳句薄袖翻明珠恨我無蒼

珉為君載龜趺頭與冰雪姿卧起同卷舒荆王

作翠被此備無乃愚問言擁六尺豈不賢一襦



十月二十日晨起見枇杷

枝頭紅日退霜華  
矮樹低牆密護遮  
黃菊已殘秋後  
柔枇杷又放隔年花

夜宿淨慈明日當宿齋宮

上方枝策記當年  
髻鬢天宮五百間  
老去新添唯白髮  
重來好在只青山  
已憐雪意催寒急  
更遣泉聲喚夢還  
明日郊宮禮社稷  
此生猶得綴朝班

夜宿淨慈○○○ 向耘老○○○

太倉稊米集卷第二十三

詩五十八首

齋宮夜雨明日大雪

郊祭嚴祠事齋宮  
肅夜寒鷺刀催宰  
急庭燎及晨  
雉雨濕牛羊  
俎煙埋幣帛  
壇南山息清曉  
萬玉已噴岬

聞耘老猶在雲川 孫耘老名有功徽人能詩

湖上雖相見  
重來失後期  
風塵為客久  
舟楫送歸遲  
鴈遠無消息  
梅殘惱別離  
何時酌君酒  
爛熳說新詩



十一月十一日夜步行中庭月色明甚  
三絕

冰輪漸出海西頭  
身在三吳近海州  
賴有梅花管  
羈客細分踈影上  
馳裘

香風嫋々月娟々  
月滿中庭夜悄然  
只恐大羅天上有人間  
今夕是何年

少年邀月伴清樽  
老去空餘滿袖塵  
多謝蟾光深有意  
尚未同我作三人

二十一日雪中歸資國

出門天意已垂々  
湖上回鞭雪滿衣  
人在水晶

宮裏住馬從銀色  
界中歸樹頭  
雲凍依然在湖  
面鷗寒斷不飛  
今夜燈前有殘盞  
擁爐深閉一蓬扉

蠟梅大有生意

幽芳念初分  
厚地凍始裂  
耐寒憐孤根  
忍苦度尺雪  
誰特萬金良  
起死醫寸蘂  
伶俜初回姿  
荏苒似看葉  
灌木猶未成  
已與化草別  
平生冰玉交  
勝韻頗奇絕  
微風拆輕黃  
香霧濕寒月  
槩兀著冰壺  
餘芬散清樾  
只今滿眼花  
想像疑可折  
感君分似老  
意味倍欣悅  
忝我小窻春  
芳意未



哀歌盛德不可忘封殖寧敢闕

石佛道中隔水梅花滿山

平明跨羸驂遙遵石頭路循山一谿橫隔水得幽  
處樹疑虬龍驤石作蒼虎踞雲菴有遺屋突兀在  
烟樹方壺豈不佳弱水無船渡空餘愴幽香梅花  
滿春嶼心知姑射仙茲焉飲風露水自平湖分香  
從一山度風姿不自持照影各矜顧安得從之遊  
徘徊著雙屨

書東窓二首

枕上青山翠撲衣西湖郡更似西施苦無能事

王摩詰領畧煙鬟却要詩

湖上梅花春意回水光山影入街杯無人許我  
分幽事故遣雙飛屬玉來

次韻強幼安歲晚感事

寒日催殘歲新詩得夜光雪猶隨處有梅亦為  
春芳愁鬢何從白流年有底忙官閑應放臘燕  
寢自凝香

歲晚雜題四首

安穩三冬計樓遲一舍寬卷簾唯水近倚杖有  
山看老罷人誰數天寒歲又闌自無稽古力未



可怨儒冠

草色無人地梅花近臘天擬飛猶未雪將盡欲  
新年漫與空成恨無求念信緣平生為晚計老  
去更茫然

倚杖千山裏窮年一水濱有官羞隱吏無句作  
詩人兩送燈前夢儺催臘後春孤山林處士笑  
我是比隣

老病時攜客斜陽更上樓山寒猶有雪湖晚寂  
宜鷗詩可書幽事兒能伴薄遊人生每如此吾  
意復何憂

次韻幻安寺丞感舊見示

當時長嘯敵先摧不費官軍一炬灰黠虜自驚  
風鳥散使君方看玉山顏櫻城捍賊今亡矣抗  
疏論功有是哉相見可堪談舊事為公搔首一  
徘徊

甲子立春口號四首

梅花消息未闌珊春入千門笑語喧人道上元  
新甲子從頭却數太平年  
春來玉燭又初調盡喜官儀是漢朝御道雪晴  
方試輦彤庭日暖漸聞韶



力爭和議中初疑事在君王  
子母知舊日塞垣啼鳥  
如如今長樂晚鐘時  
晴日初生禁籞春苑  
花宮樹一番新君王勤儉  
無行樂只作銀鈎賜近臣

元夕前三日書事

舊歲冬餘雪今年雨復晴  
奉常新奏樂蕃使近朝  
正燈火鼇山路風光鳳輦城  
須煩天一笑四海  
海盡無兵落日滄江  
上潮回水自平雲連子  
胥廟山接闔閭城  
海岳朝吳會衣冠奉帝京  
端門舊燈火還

向此時明

飯餘過揔持菴

飽飯度永日問隣從小園  
閑攜居士杖來扣揔持  
門花木無人見文書聽客  
翻更將方外事細為老夫  
論

德莊別後以詩見寄再遊錢塘始見之  
次韻奉荅且以叙將別之意

分作經年別還成一笑同看君鬢點  
漆羞我鬢吹蓬共醉寧非夢綠詩各坐窮  
相逢又驚散往似征鴻



二月二十三日薄雪

湖上春風結暮陰  
亂雲堆雪晚來深  
便隨柳絮飛將去  
誰管桃花冷不禁  
自苦多愁成客恨  
不關難測是天心  
乘除妙理誰能會  
明日朝暾忽滿林

次韻子東春雪

春光早已到千林  
尚有餘寒壓曉衾  
解作飛花朝蕪  
絕勝踈雨曉涔  
無田亦有三登意  
是瑞何妨一尺深  
雪裏故人誰過我  
西湖岩壑似

湖上戲題

一湖春水綠漪  
卧水桃花紅滿枝  
去住雲情  
渾不定陰晴  
天色故相欺  
風前柳作小垂手  
雨後山成雙  
眉何必娉  
仍嬌  
西湖應便是  
西施

後二日又題一首

家在東灣古渡頭  
柴扉草閣枕寒流  
無人擬彈  
能言鴨有眼  
那驚不下鷗  
月裏踏歌何處社  
樽中載酒幾家遊  
溪南溪北村  
水春雨春風  
日日愁



後五日又題一首

幾日春風大放顛  
曉來寒日露晴天  
浪紋隨棹湖如鏡  
日脚翻鴉月似弦  
便可飽看花入眼  
不應直待柳吹綿  
庾郎分得愁千斛  
肯與青絲作少年

湖居無事日課小詩

春湖潮滿入青天  
浪拍東風打釣船  
人在空濛飛絮裏  
鳥啼紅白亂花前  
天上陰晴不可猜  
兩番雲黑又雲開  
鷺從落日山邊去  
魚趁晚湖潮裏來

茶了詩窓飯後杯  
兒書未熟急須催  
鳥於花外喚客出  
山自眼前將句來

老向華胥占一忽  
無心更夢小行郎  
城居可似湖居好  
詩味頗隨茶味長

花枝滿樹雨誰出  
晴色十分春又歸  
一生萬事無不爾  
行年六十盡成非  
多情白鳥去還來  
無事風扉閉復開  
山下一帆衝雨過  
水邊雙燕得泥回  
海內名流詩有宗  
時傳佳句落閑中  
不道建安六七子  
可是近時三數公



次韻同季夜宿松園兼呈清照律師  
鶴骨松園老霜鬢八十春相逢看月以留客賦  
詩新鬼亦來聽法誰應可作隣折晉營斗粟寧  
不愧斯人

強幼安用余與魯同季唱酬韻作二章  
見寄謹用韻為謝

江國從遊地花今幾度春老難羈客在情獨使  
君新未敢論傾益應須託善隣如公真盛德舉  
世更何人  
花落青墩寺誰從作好春錦囊題句近舊旆得

州新老手摧強敵餘風睦四隣它年數循吏神  
爵有斯人

寄李司農三首

李若虛嘗為司農少卿  
後守宣晚謫居新安

東閣當年夜華燈照別樽斷碑思雁塔佳客愧  
龍門豈料三吳路相逢一水村只今懸望眼猶  
欲黯離魂

徽水定向處謫官今幾時長沙應有賦南澗可  
無詩柳絮催春遠梅花寄客遲誰憐憶公久頭  
白少相知

謝眺南齊守司農古漢官杯今與誰把山亦要



公看細北頌何日離騷讀又殘侍郎兄弟在往  
往上金銜

客舍春寒

每日東風吹暗塵小池幽樹不成春妨他燕子  
關何事打盡梅花最惱人愁裏了知身是幼老  
來唯與睡相親去年湖水渾依舊欲買扁舟釣

白蘋

洗馬行和關子東韻

憶昔四海多甲兵令嚴細柳將軍營鐵衣健卒  
持滿立黑頭壯士從軍行眼前千馬復萬馬寸

玉不耕犁與駢自從虎皮蒙劍戟此馬不聞聲  
鼓驚只今盡浴長安水七千萬匹俱長鳴風駿  
霧鬣久不試日饜官粟無斗升廟堂伊呂自有  
策不與韓白齊功名圍人但喜馬肥健野老安  
知無戰爭有君如此豈不樂俟河幾時今得清  
不須天育驃騎種雲霧晦冥方降精我欲刻石  
立涪水白頭弄筆羞書生不聞鐵騎響鳴鏑但  
聽玉簫吹九成

讀楚詞三首

借令無策拒強秦何至甘心受虎吞楚國已墟



三十載區區猶念兩東門  
方從黃棘望回驂可笑襄王又信謔已分世間  
無鮑叔便須水底覓彭咸  
人生長策是同流却遣何人為國憂  
馬鑊軒裳俱一死屈原何得畏陽侯

夜中聞兩枕上作

老去飄零日春愁爛熳中  
詩窻窺窈窕睡兩聽  
矇矓弱柳妨晴態小桃  
次落紅顛風莫相惱  
花事不關儂

為人賀沈鎮江生日

一麾新領浙西州重說當年八詠侯  
要遣虜人知宿將故乘輅傳作遨頭  
竭來京口頒明詔便  
合甘泉從禁遊紅袖相扶客為壽  
莫嫌和月醉西樓

甲子重新教中興濟川人為至時生  
五花名肅金盞殿八陣威寒鐵甕城  
賀客杯觴方激灑使君忠力轉精明  
祝年有意留公住只恐調元要老成

春寒

揚柳駘々一水間  
梅花憔悴爾霞霞  
春愁已自



唯禁酒病骨何由更耐寒

種蘭

桃杏花中偶並攔依然風味是幽蘭莫因移種  
長安市不作春山一樣看

種萱

萬事全歸兩鬢霜新愁盡屬少年場如今乞得  
忘憂草已自無憂可得忘

次韻張元明同邊即中遊西湖二君講

同年之好有此遊

千里春波翠染衣小尋魚鳥共追隨  
船頭風急

何妨醉湖上山多盡入詩藜杖偶來飛絮裏蘆

鞭猶憶看花時兩公人物如連壁同上金鑿亦

未遲

皇帝親祠高禩十五韻

曆欲繇洪祚郊宜築巨臺有司修祝冊天子祭  
高禩意興驩情合春隨上瑞來翠輿瞻玉座桂  
酒奠金壘喜色回中壺歡聲入九械熊羆占已  
兆孤矢射將催異祀闕宗社餘波被草萊  
靈基千歲永玉葉萬枝開制度新儀著歌詩舊典該  
魯侯徒復宇后稷始封郅帝德應先格天心亦



曷回至誠參造化妙響疾風雷歷數周家久封  
疆漢地恢山河今壯矣瓜瓞信悠哉準擬螽斯  
詠微臣愧不才

校李從一臺閣集因効其体

細誦台州句湖邊草舍幽好山來競秀清瀨与  
争流吏可供書札兒能伴枝雛小窻誰共此唯  
有夕陽留

舊旆來分賴唐朝有百人諸公皆泯滅此句獨  
清心異世名空在當年迹已塵何由吊高冢一  
望石麒麟

次韻子東奉命祠高禰齋宮望臨平山

遙想祠宮晚色寒卷簾聊此看孱顏官閑頗似  
蘇司業詩好全如庾子山覓句不妨煙兩外浮  
家猶記往來間舊遊有意重回首恐上金盞未  
得還



太倉稊米集卷第二十四

詩六十一首

甲子春日二首

燕來不擬著簾遮  
要聽雙飛語日斜  
芳草滿庭人不掃  
東風吹盡石南花  
海棠枝上曉鶯啼  
梔子花邊蛺蝶飛  
貪着遊蜂偷藥去  
不知雙燕得泥歸

與王漕乞張右史集二首

文采推前輩  
兒童識姓名  
日邊張右史  
江左謝宣城  
自恨空飄泊  
無由見老成  
著書如可得  
尚



足慰平生  
張緒風流士文昌古淡詩發揚知有助理沒竟  
多時公已勤儻枝神應護持何當遺珠玉璀璨  
滿書帷

對雨

風細寒猶甚愁多睡更濃閉門春色裏盡日雨  
聲中草各爭先出花皆稱意紅故人書信少不  
記此哀翁

晚行湖隄望南山諸峯

曳履步遠壑挽衣枝短筇霽色過急雨餘霞漏  
微紅照眼一湖淨環湖幾山重不知何禪燈明  
滅蒼翠叢但聞煙靄間繞山鳴亂鍾暮年行樂  
意不與足力窮明晨儻可遲尚堪歷諸峯有幽  
固當探無客誰與同餘子不足偕形往影自從  
言旋且當爾興在何由終

識曾同季示近作因以為贈

老色秋蒲晚朱顏玉樹春年方買生妙詩似庾  
郎新黃墓初傾益青墩欲買隣知君真似舅笑  
我作陳人同季幼安之甥

同季再見和二詩復用韻以謝



花似今年好情非舊日春光陰愁裏盡風物眼  
前新愛酒聊呼伴無醞懶乞隣姓名誰掛口肥  
瘠付秦人

海內同為客西湖兵送春定交前日意識面此  
時新一笑欣良會餘生得善隣風流美無度往  
來似前人

送秦德久守安豐

師行朔野不記年兩淮千里無炊煙君王偃革  
似建武始遣循吏來安邊今日安豐非故壘夜  
聞夷歌隔淮水况當兩國不交兵高壑深溝豈

須爾朝不鳴刁夜喊烽吉語上聞天自喜但令  
南畝棲餘糧盡驅流冗歸故鄉會見今年八九  
月處處來紅梨子黃四郊無兵門有戟淮上山  
青淮水碧樽前一曲柳枝歌釀酒擊鮮公燕客  
客有為余言筍不可食之令人瘦者戲作二  
絕為解嘲

庾郎三韭坐清貧眼看將軍肉十斤會遣胃中  
有千畝不妨人似沈休文

園蔬本自不全貧今日真成筍作斤已恨此生  
相見少更須儂作解嘲文



今日林中頗得佳筍用前韻

閑尋黑靨貓頭筍自把長鐮雪色斤恨我家無  
渭川竹姓名不載馬遷文

作菹須趁筍如銀莫待成竿費斧斤安用截筍  
纏五為人催草弔湘文

劉主簿許餉苦筍未至

苦竹岡頭竹似雲劉郎何事不揮斤杯盤儻使  
同吳俗茶薺誰能作楚文

未敢煩君便措困且看分筍不論斤此君自是  
盤中虎空想斑、箸下文杭人重苦筍呼為嚇餒虎

西湖春事五首

兩高南北擁煙鬟渾在冥濛細雨間寄語丹青  
王右相不須水墨畫春山

老去無心作好春曉來風雨故欺人從教髮白  
桃花笑不管簾垂燕子嗔

顛春柳絮風前落卧水桃花鑑裏開沙上鴛鴦  
忽驚起背人飛去不回來

寒食人家畫鼓撾踏歌聲裏月生華無人來祭  
皇妃墓空唱吳王陌上花

半垂羅幕護紅裝閑繫青驄在綠楊樓上日長



時度曲踏邊風過忽吹香  
晚出郡城

天街打鼓出城門  
暝色侵衣款破昏  
湖上晚峰橫玉珮  
馬頭新月上金盆

次韻強常州見寄

門前冠佩眼中稀  
家在西湖水繞扉  
每對鳳姿羞羽翼  
更因魚目得珠璣  
身閑聊伴蒼官語  
詩瘦空慙笨伯肥  
別後清言應盡  
不知談麈為誰揮

天中節湖上早歸

昨夜雨如許  
今朝雲復開  
鳥聲呼日出  
湖水上天  
隄來賀祝人  
天喜鏘鳴劍  
佩回歸塗似  
明鏡影落翠聚堆

食新秔有感

玉粒新秔五月黃  
中含風露晚秋香  
但令雲子流匙滑  
莫管吳儂眼下創

次韻曾同季悼其幼子

曾侯名家即家有玉頰  
兒渥注出名駒丹定生  
長離春風入庭戶  
獨秀蘭與芝未乾  
弄麈章墨遽草騎龜詩我昔少年日  
屢作哭子癡  
須煩六如



得為洗長年悲

韋深道寄荅雪舟中六言五首 常許

畫舸一帆烟浪薰風十里荷花更著千巖萬壑  
相隨泛宅浮家

水繞臥沙雞鶩浪翻擊雨芙蓉向晚拖樓獨倚  
共誰同看跳珠

韋郎無意剪白次山亦漫為官要遣荅谿風雨  
飽君笔下波瀾

滿眼紅粧迎笑昔年遊客經行忽得風前麗句  
似聞蓬底波聲

我作三吳短夢小安近水茅茨解養能言鴨子

閑看似酒鷺兒

西湖月夜

首 六言

西湖月夜

月到中天火未流水邊風露已含秋問誰乞取  
西湖角紅藕花中著釣舟

菩提小軒驟雨晚晴

抗潁雌雄本自殊淡粧濃抹是吳姝滿傾漲玉  
千鍾酒來看鎔銀百頃湖白鳥去邊山潑黛綠  
蒲疎處雨跳珠不知能事玉摩詰見得西山落  
照無



早發北山由麥嶺飯六通登煙閣洞閣  
瀕湖兩峰高屹立晚相望蒼涼昇海日翫髯露  
千嶂羸驂絕坡陀巖谷飽追訪緬懷洪荒初蘊  
畜含萬象渾沌久已死條忽真巧匠誰令鑿空  
手出此竒嶮狀中虛納遊雲谷靜苔幽唱暗穴  
下無底濤聲想悲壯十八老聲聞附石出遺像  
誰其架修椽置屋雲雨上青山不知數遶屋森  
百丈忽於兩峯間萬頃見煙浪澎湃海潮聲往  
入藜杖天公知愛山令我拜嘉貺敢焉隔仙  
九欲徃謾惆悵便當奉枯禪綺語蠲宿妄自足

伴周旋長年此遐放

題孤山柏

臺城依舊繞長河結綺臨春往事多但見張妃  
似西子不知擒虎是閻羅當年已老瓊瑤樹此  
去空留鐵石柯喬木自存非故國可須仍唱後  
庭歌

次韻周秀實寺丞七夕三首

烏鵲橋成不恨遲隔秋相見豈無期姮娥空傍  
月中去嫁得星郎是幾時  
夜深開把玉東西月下樓空畫幕垂人似天孫



酒如玉夢中猶憶少年時  
無限欄堦月下兒遙瞻星旆却嫌遲催教織女  
梳雲髻想得無心理杼絲

數日秋暑不復可堪馬上作此

江上豐隆醞秋熟老病摧頽可堪說人行落日  
生黃塵馬畏長塗汗流血君看此處安得詩空  
學吳牛喘殘月北風何日掛馳裘長嘯灞橋驢  
上雪

葉宣義家壽社堂

吉人為善天所彰効有遲速理則常葉侯天驥

少未驥讀書過眼下十行易如翻水成文章李  
既日富名日昌謂取富貴如探囊當時餘子皆  
擅場呼不成盧空繞牀直氣勇決何可當買田  
築室龍池陽夜光穿屋萬丈長人言家有明珠  
雙青衫歸侍讌机傍鬢鬢月中丹桂香要看玉  
樹爭芬芳擊鮮不羨遊諸郎大裘執玉郊園蒼  
厖恩厚澤均四方翁年九十鬢不霜錫以命服  
閭里光門前賀客俱奔忙手持牛酒填康莊遂  
摘天語名公堂不須靈壽扶徜徉高文憂玉鳴  
琳琅省郎言語如今房天公報德殊未央傳家



奕葉壽且康王母畫着雲錦裳麻姑行酒傾瓊漿  
壺中日永醉玉觴赤松黃石相扶將

詩 孫仲益尚書詩贈吳益先吳出鉅軸索

少年名字滿賢閨薦墨誰能借一言子產自應  
知季禮退之先已得何蕃孫公時為李官江無九肋空多  
士樹有三株且共門益先兄弟三人晚路相逢嘆流落  
可憐不第獨劉蕡

木犀方花一首

西湖八九月秋葉日夜凋兩山各崢嶸氣與秋

爭高天亦念幽絕芬芳託孤標要令列仙懼一  
洗桃李驕徃々造暗香時々入高颯綠葉未改  
色微黃澹煙梢可愛不可名模寫徒自勞何來  
蠟梅花相去無絲毫但恨此花遲不借春雨膏  
尚可配精蘂傲霜分兩豪金錢不知數狼藉蒙  
譏嘲可憐貴人家漬蜜紛煎熬坐令林下姿半  
入金兒焦閨房漫脂澤此恨何由消

登北高峰一首

鼓楫去故里攜桴客東吳湖山森照耀魚鳥相  
嬉娛舉目見兩高欲上徒嗟吁人言不可徃無



路登雲衢盡力鼓餘勇遠復酬宿逋白鳥入蒼  
煙喊沒在太虛晚日沸揚谷萬川納歸墟海門  
豁中開怒濤喧朝晡盡注万丈江拱揖朝伍昏  
銀湖大如誇僅可方覆盡諸峯如培塿瓊細不  
足圖寸眸一俯仰八極無遺餘第恨蒼涼日悠  
迫懸車臨風一悵惆言旋戒危塗

資國巨松伐為東觀材

文字初離五阮餘緗囊縹帙祕新儲何人合在  
天東壁十八公堪作校書

徐五十六索勤有種德二軒詩各賦一

首

徐從龍  
字美祖

平生長笑韓潮州欲持謹議回冕旒讀書城南

晚所賦無乃不為韓符謀人間達官可力取鈞  
名但以書為鈞汗牛充字作底用富貴面熱渠  
當羞書生有書但自讀不必區區苦投俗偶然  
一擲便成盧鴈塔朝題暮天祿吾言可笑君必  
輕奔軍之策何足憑臨機應敵自子事此是宋  
襄仁義兵

結廬頂種木樂飢頂種穀種木十年能幾長種穀  
眼前無乃速人生安得俟河清誰能忍飢百年



待德成君不見千古一臯陶此事世亦少頗  
出化俗成唐虞何乃臧國先六蓼今上御名句說夢与  
癡人著意功渠不曉南隣門耀三戟光北隣  
牛馬谷可量浮雲變滅那得常安樂只有襄陽  
瘡

中秋攜小兒步湖隄

病裏三年月相隨過兩州為儂分素魄攜汝作  
清遊草樹悲今夕家鄉隔去秋有身真似夢無  
地不闌愁  
門接銀湖浪居仍在宝坊更煩山吐月來共水

分光葉冷初翻夜蟲悲擬泣霜幽人看不足白  
露滿胡林

送方元相還郊居

雲從南山來邂逅成一兩秋風忽吹散霖霖不  
到士出固初何心歸亦乃其所但恨山中人乎  
影无誰語笑口曾未開語離遽如許到家應重  
陽精蕊亦已吐長衫隨父老社壘酌田祖悠々  
卧黃雲坎々擊醉鼓人生行樂耳何必浪自苦  
恨我繫微官何由共雞黍

古風二首



夜夢乘輕舟掛席浮天池天池亦何有濤瀾靡  
津涯中有三神山樓觀何巍々晶瑩白玉闕彩  
錯黃金旗紫皇遣天風下吹仙人衣仙人不知  
名人言是安期我欲就与語弱水隔破瀛鼓柂  
方少前風動輒去之仙人不得見遙矚言歸  
願言哀劬勞奔手援塵姿探囊得灵丹往々分  
刀圭使我生羽翼桑榆增暮輝

矯首望寒廊雲日清四方泉鏡各屏跡孔鸞亦  
高翔鳳羽可為儀用以朝帝皇八音奏韶濩五  
色呈文章帝皇在殊庭劔佩方鏘々願瞻丹鳳

侍高日振鷺行斥鷃獨何事乘時亦飛揚短羽  
无遠志控地搶榆枋卑飛固可笑摧折亦足傷  
願附翮々翼託身雲漢傍

放龜

老黠得龜規小利小兒奪龜以為戲兒癡但作  
一笑看槁死生存而無意乃翁不忍龜縮頭何  
如去曳長江尾流水長者亦念汝清江繡衣何  
苦憂

不睡効張文潛

寒沙宿鷺水無聲湖月留人睡不成便擬閉門



尋好夢更听鸚鵡轉三更

觀潮示元危

越山莽蒼吳山高海門屹立通江濤江頭久客  
歸未得來起吳兒看晚潮三頭初來一線白雪  
浪翻空忽千尺地中鳴角何處來水上六花人  
不識驚濤倒射須臾空千艘已落空濛中錦帆  
半臂浪花裏越商已賈爭長雄江湖險絕長如  
此風靜潮平亦何事人間萬法有乘除却遣風  
波在平地

客許惠木犀而花殊未開三絕

秋雨不肯止木犀殊未開小齋寒索莫誰剪一

枝來

黃菊無多子孤芳正要渠誰能把秋色分付木  
芙蓉

舊日江南路霜裊曉樹間無香供宴坐有夢到

秋山

旅夜

栖：羈客眼常開籟：清燈落晚灰北鴈有情  
書未到寒衾無夢兩頻來今年白髮看仍少去  
日青春挽不回別後故山應好在小窓辜負翠



雲堆

次韻飛卿

隨計京華憶去年夢魂合眼到家山  
早無半菽能餬口晚得三鍾只汗顏  
老懶不堪朱墨裏此心終在水雲間  
尺椽分我江邊路留與他年作往還

次韻李子至與陳相之定尋梅之約篇

尾見及

謝眺樽前憶語離別來懷抱只愁知  
鶴鷓原近識君晚鴻鴈書遙寄客遲  
何事不嫌霜後鬢尚

邀同醉雪殘枝今年新得毒花句  
華萼詩中第

幾詩

次韻相之和李子至尋梅詩

江南洛社各天涯何事高人亦見思  
句法風流雲爛熳旅情飄泊燕差池  
樽前病骨難供醉花下枯藤可強枝  
莫喚孤山林處士揚州何遜自能詩



太倉稊米集卷第二十五

詩四十八首

刘文卿燒木犀沉為作長句

海南萬里水沉樹江南九月木犀花不知誰作  
造化手幻幽此品無等差刈即嗜好與衆異煮  
蜜成香出新意短窓護日度春遲石鼎生雲得  
煙細夢回依約在秋山為上清香撲霜霽平  
生可笑范蔚宗甲煎淺俗語未公此香似有郢  
人質能受匠石斤成風不須百和費假合成一  
種性無異同能知二物本同氣鼻現已有香嚴



通聊將戲事作薄相辦此一笑供兒童

曉雪

湖色催清曉風前一雪輕不妨梅自笑要与水  
爭明萬木雲遮尽千巖玉琢成可憐青竹葉寒  
甚与誰傾

時宰生日樂府四首并序

歲十有二月二十有五日本師魏國公之壽日  
也凡縉紳大夫之在有位者莫不相与作為歌  
詩以紀盛德而歸成功篇什之富爛然如雲至  
於汗牛充宇不可紀極所以祈贊壽齡無所不

諛辭諂詞過于  
中冊可知此君  
之品矣宜乎不  
為宋人所重也

至猗歎盛哉昔未有也某繇陋不才加以門薄  
而地寒人微而器窳如瓦釜囊瓢宜在草野雖  
欲挽而致之与鼎俎籩豆之器雜然前陳於郊  
社燕享之間有所不可而鈞播之下萬化幹旋  
根芽飛走並用無遺前者援自莞庫置之省闈  
俾司吏贖以主其藏雖未得与鼎俎籩豆之器  
雜然前陳固已不在草野間矣感悅之私无以  
自發方且含茹吻頰之間而不得吐会都人士  
夫奔走為壽得不呈露鄙素為下俚之辭尾賀  
客而前以謂鈞庭之下乎乃作樂府四章再拜



而獻儻欲被之金石流之管絃具一代之樂諧  
和韶濩則有所不敢至若附晉魏以還曹劉諸  
人殘音餘韻流傳後來則又非其人也譬如茂  
林時鳥感動至和而振翮一鳴益有不知其所  
以然而然者仰惟真人出御大寶由中興以來  
每遇是日必即大第錫湛恩之燕賜鈞天之樂  
所以宥異師臣以示旌功報德之意考諸舊牒  
所未前聞迺作御燕曲朝廷修兩國之好結百  
年之盟休兵息戰使各保其父子骨肉之親公  
之陰德歲所全活不可以鉅萬計天下休々乎

日嚮於安平泰定之域繫公德是賴迺作班師  
行時方偃武文教誕敷民和年豐國足財阜禮  
之墜者復振樂之廢者更新百度彰明萬邦悅  
附實我周公迂衡之政迺作昇平謠四方樂虞  
五兵不試國肅以清民庶以寧當是時也家被  
更生之賜人懷欲報之心皇天無私仁者必壽  
此天下所以歸德於公也迺作祈年歌竊惟公  
之洪猷茂烈度越曠世雖盈編溢冊不能具載  
而質諸四詩亦可槩見後之賢者明而悅之將  
欲鼓之舞之長言而永歌之庶幾或有取於斯



焉謹序

御燕曲

新陽入谷春欲回  
瑤地春早桃花開  
黃金三尺瑞獸煖  
雲橫霧繞珠簾垂  
碧腴分香自紫府  
百壺流泉酒如許  
御厨排燕羅八珍  
更歸梨園賜歌舞  
黃門宣詔天上來  
未歡喜時聞傳帝語  
紅螿登昼幕  
密護遮參差  
吹竹凌卅霞  
双成持觴莠  
隸功五雲遙望群仙家  
仙家日月真長久  
地久天長聖恩厚  
願公歲之復年之  
長帶宮花飲宮酒

班師行

漢兵出塞將軍行  
棘門灞上空屯營  
羽書夜半急如火  
淮田千里無春耕  
廟堂有議如建武十  
歲邊頭不鳴鼓  
君王無事兩國攻  
長樂宮中瞻圣母  
鷹飢虎飽不足圖  
三軍漸欲銷五符  
紅旗盡卷夜烽冷  
銅花繡甲金模糊  
橫議當年謂毛起  
公持一言天自喜  
盡收諸將入神京  
十六衛閑清清似水  
榆關一騎不動塵  
陰功何止活萬人  
封侯鑄印不足說  
朱顏一笑三千春

昇平謠

負石填海之可乾  
鑄鐵削山之可繁  
俟河之清



豈易得眼見太平真復難  
春風輦路宮槐綠花  
繞漢宮三十六喜入天顏  
人盡知奉常新奏昇  
平曲前年被衰如圓天  
今年執玉朝塗山漢宮  
威儀久不見三代禮樂  
俱追還太史功大非入  
力早向壺天賜新宅消  
得官家駐六飛畫鼓咽  
燕璫席紫宸朝散千官  
行四方警奏虛封章  
衮司无事鈴索靜牙牌  
報漏春昼長但聞群賢  
歲歌舞壽曲声中玉觴  
舉青衫小吏亦復欢自  
採民謠裨樂府

祈年歌

十雨五風年歲熟萬落千村俱種粟  
人從南畝把金犂誰在廟堂調玉燭  
昔年避地今安居前日荷戈今佩犢  
開元宰相不開邊當時米賤斗數錢  
自從罷武銷劍戟外戶不閉俱安眠  
人蒙更生家受賜父老欢喜兒童顛  
君不見天上宸章粲星斗翔鸞驚飛翠蛟走  
為言一德似阿衡上務里天贊元后皇  
天報德亦可知仁者必壽天无私但願天心錫  
難老貂冠畫衮常光輝四國无兵誰不喜  
共說昇平自今始黃帝垂衣坐法宮千歲常師廣成子



冬至前九日湖水盡冰後一日晚晴小  
舟循湖心而歸冰已稍開書是日所見  
積雨凝宿陰寒冰結湖背鷗鷺不敢前  
魚各潛晦敲冰得湖心敲掉作澎湃萬  
玉朝明堂玳瑁響環佩誰來貝闕中小  
現銀色界夕陽似知人微溫散珠琲為  
我開糝糊邀山影空翠境勝不可名語  
惡聊自悔安得王右丞萬像歸珠繪  
遙憐西子寒眉目增點綴

將登南高示同舍

萬壑千崑要盡窮謾將筋力試衰翁  
請君速辦

尋山履同上南高第一峯

三年身在翠鬟堆慣見湖山眼  
厭開要上雲峯最竅高處試看潮過海門來

過趙德莊官居有懷其人

送君南浦草青青記得江頭一醉醒  
騎馬却來尋旧處依然蒼竹近寒廳  
讀君古錦囊中句可是紅蓮幕下才  
試問風流李長吉如何不寄近詩來

次韻關子東聞太常新樂

今歲塗山禹會成侯河真得見河清  
官廡無路



朝元去卧聽鈞天奏樂聲

湖上雜賦三首

青霄載雨入菰蒲  
旋研漢竿李釣魚  
小向湖心休客身  
天教來此伴春勸

山邊騎馬醉王孫  
湖裏撐舡晚過門  
寄語金丸莫輕彈  
我先花鴨解人言

三年元不下胡床  
飲盡山光与水光  
莫把渠儂作官看  
此身便是賀知章

次韻何子楚題吳傳朋石渠大字

中即徃昔遊鴻都  
恨見筭聖心成書  
乃知隸法亦天授  
後世豈復斯人徒

周王百度新復古  
道家山是圖書府  
吳侯妙翰絕古今  
高榜橫空近

風雨大字三尺古  
所難細書不要烏  
絲欄四蹄自扶水  
邊石兩翻句奔空中  
鸞鳥知君似是文  
中

虎便恐聲名傳  
帝所借令頭白下  
凌雲寄語常即耐  
辛苦

次韻庭藻雨中不出湖上

幅巾飽看西湖春  
徐行當車不動塵  
有時乘興未遽反  
武林无此尋春人  
湖山如螺湖水白  
幾見青天月生魄  
年々馬上看吳娃  
舞袖双裁越



羅穿長安貴人百不憂胡為亦復多窮愁出門  
載酒不可往倚杖看雨如窮秋萬事不由人作  
計我欲破除唯一醉此生已老復何求五字但  
知公臭味春風吹雨山澤晴青山有約翁有情  
故人官高少閑暇可喚白鷗同此盟  
梅花為風雨殘三絕

五更風雨各无端留取殘枝与客看何遜惜花  
心欲折玉奴愁雨曉應寒  
山西鐵面故將軍新種梅花十里春此地數枝  
畝不得東風可是惡欺人

先生旧日經行處聞有寒枝笑曉林便倩東風  
吹雨去急攜藜杖与僧尋

梅尽一首

此篇當在二十四卷  
天中節湖上早歸後

昔家大江南沮洳不堪處五月梅子黃江雲日  
成雨頻年客東吳蠲掾坐羈旅墮式鳥忽當前海  
氣復如許食无山鞠窮為病入腰膂游儻与爭  
席共此一洲渚人生能幾何生理亦良苦今朝  
有奇事兒童報佳語送梅喜追餞入伏寧偃倮  
便當掛西窓悠然望南浦借風翻绿荷分香度  
清暑



陳相之許惠近作久而未至雪中偶得  
二首

春意方回臘梅花又滿枝自憐為客久頗恨得  
君遲涉世身猶爾改愁酒若為人生俱昨夢消  
遣可无詩短策何由去長須喚不來詩今如此  
少門欲為誰開淨軌塵飛尽寒牕雪自堆无人  
伴牢落灯火送殘盃

奉答相之再示兩詩

白髮留即在无心唱竹枝倦游閑未得見事老

尤遲与世知何用求田便可為无危人物勝况

有建安詩

老愧才多尽人愁雨不來酒樽无客把詩卷為  
君開山色螺分翠江濤雪擁堆新篇為愁眼喜  
色動寒杯

次韻関子東湖上雜詩四絶

道人結屋在林丘俗子何由得少留一閉衡門  
三十載為公今過虎谿頭

清照菴

上方重閣到雲天一落天星今幾年不見老坡  
寒碧句滿林風玉自蒼然壽星寺



田園春草滿地塘何事新題荇藻黃寄語藕花  
從此去不須滿意著紅粧水行

又邊山木子規啼不管還鄉客夢稀應為老公  
推不去故將好語勸人歸子規

再寄李司農二首

不作徽州夢空吟楚水邊倉皇相別日歡喜得  
書年客有誰投轄詩應我執鞭長安望歸日消  
息幾時傳

衰薄功名晚四竊栖歲月深篇章唯楚些兒女  
吳音見面知何日從公話此心時光肯相待白

髮已如林

頃與徐美祖汪莽源同游杯渡道場余  
來錢塘而二君再遊以詩見寄

當年三士各清狂下馬同尋古道場人在諸峯  
朝著屐天教我輩夜分床勝遊已是成陳迹晚  
路何堪更異鄉聞道重來若相憶為君日轉九  
回腸

苦筍

庾郎鮭菜不滿腹三歲杯盤入吳俗江頭四月  
烏賊來經日楊梅兩中熟是時苦竹方生見錦



棚時露駢頭玉杭人嚇飯正要虎日以千金換  
盈束人莫不食鮮知味妙理听君論反覆舌頭  
誰識苦中甜今乃苦口後為福蔗中佳境其似  
飽厚味可人終腊毒江南山多豈无此苦甚何  
止秋茶酷天公特為餉饒人兩洗風吹滿山谷  
從今不敢料吳儂但煮蝦蟇當梁肉

和張元明食生荔子

五月麥秋閩嶺寒山嶺頭風雨荔子丹  
日從圖畫見眉目何曾生食知其酸天生尤物亦甚慳  
路遠致之良復唯宮中妃子一破顏  
猶須驛騎來

長安絳紗囊小欣乍識晚上嶺臺醉瑤席人如  
玉筍擘輕紅詩似春雲敬馬坐客書生饒相絕可  
憐誦詩口角空流涎何時遂作七閩客日啖玉  
肌三百丸獨勝窮愁杜陵老暮年奔走巴山道  
万里瀘戎摘荔枝一年辛苦無人知

將別湖居二首

昔年嘗判武林憑來伴西湖寺下僧又作移家  
新活計却攜行脚旧枯藤  
西子湖邊一短窓幾年和雨看湖光青山換得  
微官去魚鳥應笑漫郎



與同舍即觀潮分韻得還字一字江字

三首一字江字為坐客作時自西湖徙城居

人生如微塵同一霄壤間可笑蟻蠅眼但窺雍  
中天錢塘俯滄海八月壯濤瀾始疑足鍊橫旋  
作萬馬翻海門屹中開方壺忽當前不知何巨  
鼇為我戴三山銀光射傑閣玉筍垂朱欄須臾  
擊飛雪噴薄上簾顏相看各驚頽日暮殊未還  
那知在空濛但怪毛髮寒平生雲夢曾始信宇  
宙寬安得陵雲手大筆如脩椽盡挽卷天浪參  
差入毫端

烈風驚洪濤浩蕩吹海立迅雷忽翻空掩耳嗟  
不及漢兵百萬騎已奪秦關入擊石驚馬倒流勢  
若三峽急滄波忽喧颺衆目俱該慄人言海潮  
來昔為子胥屈誰當語馮夷四海今已一王春  
會塗山白玉執万笏江河及喬嶽祠祀已成秩  
海神會當知萬歲拱帝室

神州古都會有美東南邦壯哉八月濤卷地奔  
長江驚濤裂巨石洪鍾殷朝撞万瓦響飛雹千  
艘碎解艘灑瀕不足數况乃峽与瀧翩々坐中  
客才器俱双瓦九牛可逆拽五鼎乃獨扛詩成



咄嗟頃惡語徒喧囂

次韻徐美祖梅花

我得孤山已恨遲水边无復昔年枝花隨此老  
俱成夢詩似徐郎今有誰隴使醉將春作信廣  
平應解玉為肌五更笑語香中意只有羅浮曉  
月知

人日雨一首

王春雪三尺人日雨一犁五種雖未入二麥頗  
亦宜人情豈不悅天意似可期官居著窮巷睡  
味无人知起焚石鼎煙爛讀離騷詞看雲生屋

角听雨鳴空墀綠水添清瑤孤芳悅華姿万物  
有佳趣吾生日已衰癡速奇禍安分傷寒飢  
乘除理已定智巧那得移不如酌我酒此事姑  
置之

次韻艾主管二首

三徑頻招客羈怀可自寬湖分一水近窓納數  
峰寒好句貧猶得衰顏醉亦丹官閑樂如許何  
地更求安

病畏空綠淺愁知醉境寬五窮空抱藝六巧豈  
勝寒鶴骨全憑伏霜毛不受丹春雲莫成雪僵



卧有表安

二月十四日過師房

故國三年夢青春二月餘開尋窻窈窕未伴客  
踟躕花倩風調護愁應酒破除老人乘興罷歸  
了讀殘書

次韻李彦恢簡錢侍郎因叙將別之意

兩淮持節記當年奏計歸來雪滿顛應念故人  
今老矣載瞻行旆只依然欲知鴻鴈助勞日便  
是鷓鴣咫尺天况有金蘭在坡禁一生交分豈  
輕捐

次韻彦恢再示前作

此生難數絳人年高位由來免疾顛自笑晚塗  
聊復爾相逢雲路豈其然歸心只欲開三徑薄  
宦何由託二天它日據鞍如可強故人雖老木  
輕捐

次韻趙簽判用李漕韻見示

九陌塵中度幾年不堪烏帽著華顛名雖已愧  
周公瑾詩或時參孟浩然豈料晚逢蓮幕客肯  
來同醉玉壺天人間富貴須公等佩襟從今可  
盡捐



彥恢被旨使京西將歸待次用前韻送  
別因呈鄉里親旧  
知公直節自當年終不啻衣与大顛曾次已能  
吞夢澤功名寧復愧燕然登車莫厭塵吹帽稜  
掉應思水泊天歸去交遊如問我為言百事老  
俱捐

太倉稊米集卷第二十六

詩四十二首

胡夫人出塵菴詩并引

毗陵胡夫人儀真鍾離君之妻也君倅高郵而  
卒後數年夫人夜夢道人氣兒豪偉長袖舞劔  
授以七棗使食之詰朝欣然若有得自是不食  
無漏身輕如雲夜亦不復寢矣道人與夫人約  
住菴兩歲當來度汝夫人舊不識字忽能書亦  
時作頌其餘與平日不少異唯朝暮奉香火以  
供上真甚謹間夢童子青衣玉盤啖以仙菓狀



似含桃赤如明霞意其為丹砂也又數月夢道人授以符篆自是亦能寫符人有病崇者求之無弗與食之亦輒効為余有孫女四歲兩眼赤爛雨淚栖睫治之久不差食夫人数符瞳子遂瞭然其清如水紹興丙寅結菴毗陵名以出塵余聞而喜之乃作數小詩以遺夫人云  
謾說丹砂乞轉精安期瓜大幾時生會令方寸無荆棘火棗交梨亦易成  
看着桃花兩度春尚須香火奉高真世間安得無塵鏡人似靈犀解辟塵

當日飛昇雲路賒夫人元屬舊仙家莫將林下能詩女輕比神仙夢綠華世傳鍾離先生豈非瑶池人摘幾番桃月下猶吹弄玉蕭為病施符何日了雲軒看即下丹霄

次韻君叙湖上偶作

政恐情須我輩鐘畫舫同載舞衣紅可憐燕子無人管不思桃花過眼空客睡喜聽門剝啄君詩來送玉丁東何時却覓孤山路共弔梅花樹  
下翁

次韻君叙雨中偶作



春風作意惱春懷更落殘紅上紫苔無限好詩  
飛得去幾人今雨肯重來夢回故國空千里酒  
憶徵君共一杯看取西湖天下勝客愁應為此  
時開

冷泉亭放閘

呼猿洞口水潺潺忽卷波流下九天乞得少陵  
三峽句為君題作倒流泉

萬里西興浦口潮浪花真似海門高誰將一夜  
山中雨喚作滄江八月濤

西窓見榴花分韻得花字

青春苦難挽白日良易斜花飛尚滿砌柳密驚  
藏鴉寒窓忽當日山崦知誰家紅榴笑疎林始  
着三兩花繫陰護朱閣芳姿奪明霞頗憶少年  
日千金醉繁華當時石榴裙六幅圍絳紗美人  
隔秋水想望天一涯想像繫楚腰依稀似丹葩  
對花誰與論搔首空嘆嗟

次韻同舍四月十日迎駕二首

日來金闕麗蒼龍風入宮墻展鹿蔥夾道焚香  
迎步輦兩班鳴玉從群公  
時平廟廟半夔龍趙將何人說李萼一見王麾



識全仗始知赤鳥有三公

次韻艾王管四月十日迎駕

十年不見羽書遲萬里風塵靜九圍又薦櫻桃  
入原廟奉來無事幾家肥

次韻庭藻天中節錫燕書事

千秋舞馬初登床新歌樂府傳霓裳當時提封  
三萬里人間何處無農桑邇來重見太平日侍  
臣復上開元觴雲門一闕天樂奏瑞獸三尺南  
金黃師臣擁佩燕旨酒虎臣杖節嚴秋霜成功  
乃自師尚父異姓不分汾陽王紫皇萬歲壽明

主魁斗六宿來文昌三呼往出靈嶽由漢以  
來無此祥諸公自是列宿教玉階合望重瞳光  
聖朝御極日杲風雨順序天蒼虞階已復  
罷干羽漢郡會看開樂浪小臣拜手亦稽首願  
祝地永仍天長

次韻庭藻再賦天中節錫燕書事

蓬萊殿角薰風涼法宮無事垂衣裳人間樂奏  
萬斯曲枝上日轉咸池桑天皇初開紫府燕御  
前催賜黃金觴誰乘風雲依日月臣有力牧君  
軒黃望雲仰見天不遠簪花莫厭鬢如霜五風



十兩自中國語從重譯傳名玉五月年，熟荔  
子人見比使朝連昌聖君當宇占寶曆太史執  
筆書殊祥雲間雙闕日五色下被四表同堯光  
風姿矯，華省郎珩璜結佩鳴水蒼但將兩耳  
聽韶護付與孺子歌滄浪傳杯遙想水殿冷畫  
鼓咽，清晝長

諸公約遊諸山而兩分韻得蓮字

華省繆通籍群公接蟬聯坐曹苦無事笑語相  
周旋蛛塵生印窠雌黃入遺編賜沐不及  
舍環湖走層山願况乃三神祠髣髴在雲烟辱食

戒明發着鞭飛曉鞦韆白日調玉砧，跳珠忽濺，  
咫尺不得往使我意惘然誰當却豐隆曠蕩開  
青天同昇太華頂共摘玉井蓮斯盟可重尋今上御名  
勿輕弃捐

次韻王興周齋宿省舍

念昔始解事結交少年場一生徒辛苦兩鬢今  
成霜頗亦恨晚歲自始得同舍即邂逅笑語間  
髣髴芝蘭香朝吟共棊丸暮歸霑餘觴忽奉太  
室祠共薦房俎羊曉陪奉常班瓊珮翬翔只  
今坐齋宮夜雨誰對床王事間何闊咫尺遙相



望持鷓鴣梳為澆冰雪鵬五字忽得來古錦翻  
詩囊無力攻長城有眼驚夜光跋彼笑織女不  
復成報章何當卑祠事共上南山岡更約顏李  
簿一笑同徜徉

次韻蘇君叙暑雨大有秋意

五月癡雲爛不收麥風先借一天秋聊煩細雨  
催幽句更把新涼洗客愁人物似君真楚下功  
名憐我亦悠下漫即無限思歸意欲向回中着  
釣舟

次韻艾主管觀僕楚詞見貽

傳記區下考異同文章空愧楚人功窮羊壽筆  
知何事芸葉香中作蠹蟲

次韻袁時良司理二絕

白頭身落亂書囊粗遣殘年不計功乞得閑官  
歌楚些始知君得被昆蟲  
入說篇章晚更雄建安諸子未為功今朝奉草  
傳新句昨夜燈花綴玉蟲

再酬艾主管袁司理二首

鼯鼠終成五技窮老於文字苦無功謾將平日  
雕龍口細為離騷說豸蟲



兩公才力可爭雄  
翰墨頻收戰勝功  
笑我窮年辨鳥馬  
却將人事校鷄蟲

孫耘老惠龍尾硯漆煙墨報以二詩

自喜新交得管城  
政愁無地喚陶泓  
孫郎不惜分龍尾  
付與詩人了一生

詩翁無復思如泉  
墨客能回漆作煙  
何意崢嶸四君子  
肯來相伴一燈前

今歲中秋無月閏八月十五日夜月已

明甚

月歎離滄海  
雲猶暗夕樓  
大教雙病眼  
重看後

中秋玉色依然在  
霜華只自羞  
一杯遙酌汝容

易莫西流

秋意關心切  
蟾光見面難  
欲成邀月飲  
頗恨與

誰看天近瞻  
銀闕雲空見  
玉盤老夫渾不寐  
歡

喜一憑欄

次韻庭藻秋懷三絕因以見招

擬趁牛山九日杯  
煩公催取菊花開  
青天有月無人喚  
却喚樽前惡客來

山橫鳥外白雲邊  
酒滿秋風落帽前  
老子要詩那得句  
湖天欲買不須錢



不見元龍少日豪，還將萬事等秋毫。只今風味猶如許，醉看霜前斫面教。

奉酬陳彥育用庭藻韻示三詩

欲遣新愁入酒杯，好懷知復為誰開。此生憐我星三久，何事令君得三來。

廣文貧甚坐無氈，白壁朝來忽滿前。但喜囊餘

長吉句，絕勝家有窟郎錢。

南徐隱士詩兄弟，君更眉間有白毫。一染函牛

鼎中指暮年，方悔嚼空螯。

次韻庭藻觀潮

八月既望，秋風高，群飛海水催江濤。

海水羣飛揚子雲語

水來中州八萬里，至吳乃折微傷豪。

海潮賦聲

當日潮來如箭激，萬弩迎潮射鳴鏑。風吹海立

猶至今，雪卷千堆濺青壁。人間看海詩，有翁健

如駕浪，長江風詩成，便可作圖畫。歲好莫漫占

凶，豐坐中客怕噤，不語憑高下。看馮夷舞，殘音

到石未肯回，澎湃猶能作宮羽。人生快意難預

謀，眼華盛事心懷羞。老病無人喚我出，閉門枉

度三中秋。

次韻庭藻再賦觀潮



海門白浪如山高遠從巨海驅洪濤何入戲出  
此偉觀撩公傑句爭雄豪詩成飛電歎爭激戰  
勝何嘗費鋒鏑更復盡出武庫兵不念長鄉家  
四壁當時年少今老翁愁將白髮吹秋風來趁  
千人萬人出尚記時節如元豐袖手人知公作  
語歌兒停歌復停舞越山迎浪看潮頭白玉傳  
觴急飛羽胷中如公多廟謀人珍未獻伊昂羞  
笑人歎買江邊宅看潮飽度殘年秋  
次韻彭叔容  
彭郎作詩調最高語中起復多波濤維其有之

是以似千佛名經中一豪潮從海來與山激彭  
郎詩成疾飛鏑詞鋒何止却千軍脆敵何堪守  
堅壁去年載酒呼衰翁蕭蕭兩鬢吹江風手持  
鼉尾白玉柄坐中風味王安豐今年不出無一  
語想象紅旌浪中舞卧聽東來響怒濤安得西  
飛有雙羽歲晚菟喪誰與謀有如此江真可羞  
會待潮來復潮落短蓑獨速吳江秋  
次韻李中宗丞秋懷二首  
河朔三株樹霜高不受侵日邊初識面詩裏復  
論心愁莫令知處杯須畧放深弟兄俱絕唱壹



是少知音  
身作三吳去  
霜從兩鬢侵  
羈栖臨老日  
牢落少年心  
好句何曾得  
清秋幾度深  
越江憐久客  
時送海潮音

曉色

曉色明龍闕  
金鑪近御床  
黃簾猶卷月  
清蹕已鳴霜  
海宇無兵革  
公師在廟堂  
但聞宮樹鳥  
日轉朝陽

紹興丙寅歲當郊祀積雨彌月已而大雪前事之夕雪霽月出越異日天宇開

霽日色晏溫天子乃躬祀於郊丘賦詩

二十韻

寶歷三千歲  
龍飛二十春  
胡弓不窺月  
塞馬自無塵  
禮樂湮淪久  
君臣制作新  
誠心躬廟饗  
大祀肅郊禋  
密雪埋群嶂  
凝陰翳上旻  
九枝騰曉日  
萬騎出嚴宸  
輦路晴沙軟  
宮城宿霧勻  
崇壇方肇造  
蒼壁遂前陳  
秀色霜明迥  
華滋露濕裉  
馨香登秬黍  
蘭粟薦黃特  
月引笙簫度  
風傳贊祝頻  
依倚望前極  
髣髴降天神  
皎々星垂象  
沉夜嚮晨  
一人宣玉冊  
百執奉朝紳  
款識蒼穹



意當知時嚮臻歷年綿聖祚敷錫惠斯民回駕  
蒼龍闕旋輦羽衛屯拜恩元老重沛澤萬方均  
盛世無遺典中華有聖人書生亦何幸奔走  
祠臣

次韻艾主管約同居酬唱

老來無句上詩檀晚向荊州始識韓馬歷嶮巖  
知足健樹從黃落見根蟠不妨論好同膠漆已  
復書盟在肺肝許我三冬共燈火不須衝雨過  
蘇端

再次韻艾主管

艾侯人物似芝蘭不數淮陰跨下韓筆底波瀾  
驚浩渺胸中書傳想縈蟠厲施固自無斫醜楚  
越何曾異膽肝一笑相從亦何事共看明月上  
雲端

次韻蔡仲平梅花用玉局海南韻

老翁腸斷江南村誰將楚些招歸魂月明常憶  
看花處斷橋流水天黃昏一行作吏此事廢日  
涉謾記柴桑園天憐羈客老且病玉琢妙語清  
而溫當時飽吃惠州飯十年來負蠻鄉暎花飛  
白雪颶欲起瘴濕黃茅人閉門為公復誦海南



句寒掩卷淒無言  
傷心起酌玉局老夜半獨瀝  
鷓夷樽

次韻仲平雪中

少年何嘗屈此膝  
自料一生能幾屐  
誰知臘月雪蔽空  
三日衡門斷人跡  
心知無事止坐詩  
天解窮人無乃力  
故山欲放雪中梅  
空恨此中無鐵石  
中郎官熱亦怕寒  
着意既窮途聊作寄  
北風吹酒天始愁  
玉雪滿空心自憚  
想君鹽絮方入詩  
憐我鬢鬢同一色  
山竹安得趁驂駒  
快踏瓊田四蹄疾

終

太倉梯米集卷第二十七

詩四十六首

時宰相生日樂府三首并序

某嘗歷考自昔大臣身輔帝王名垂書傳而得  
光明盛烈足以夸耀後世者不可殫紀如商阿  
衡周尚父之徒雖號為傑然不可及然皆未  
免於兵於是後世喜言兵者皆曰是數人者以  
此而定亂以此而成功往亦以是說而說其  
君蓋將以邀利於一時而其黷武之弊有不可  
勝言者矣夫善師者不陳班固所以言堯舜之



兵也不戰而屈人揚雄所以言堯舜之兵也由  
唐虞以來不知其幾千百年間有好戰以危其  
國者未聞其以不戰而定亂也今太師大丞相  
魏國公以堯舜為無之道而事君以堯舜好生  
之德而用武用能不戰以成功自修盟以來至  
於今日不交一戰不遺一鋤而天下大定其不  
世之功無窮之利使有班馬之文蘇張之辨安  
能一書再書而足况若某之拙於文辭且不能  
措一字於其間而向之已陳者又不復以黷聰  
明之德日者郊祀之夕瑞雪收霽大禮告成太

史占星殊祥並出某猥於賤吏駿奔祠事禮成  
而歸道聞父老之言歡呼載路嘗欲述以為獻  
無因而前會太師公之壽日乃敢採為歌詩作  
樂府三章相與行道之人壽而祝之以示臣  
報德述生之意詞雖鄙俚意實鄭重蓋嘗以謂  
方今揄揚盛德稱頌大美者日至於前不啻若  
弦匏之金石之並奏未嘗一日而不入於耳也  
然則安知厭聞雅頌之音者聽蕢桴土鼓之樂  
員薪扣角之歌而無取焉此某之折揚黃華之  
所以得至於鈞庭之下而不敢後也謹序



帝車七星中紫宸黃金制手鎖天開門中人傳詔  
不動塵御府拜賜天鑪芬鬱金蘇合百和勻雙  
虬鏤合盤雕紋雲錦織帕勞天孫金狻猊擁春  
空雲聲調洞庭之樂人皆聞官家異禮尊帝臣  
八師七友無此勳聖賢一出五百歲開闢以來  
能幾人東方曼倩何足數三食仙桃識王母何  
當移植上林中歲二年見花吐溪上人家自  
一川武陵邂逅非神仙但令老父不識戰人間  
何處無桃源自從罷武得生活垂髫小女皆能  
言肯為八方開壽域廟堂政要公調元

甘泉羽書久不至六樂初成禮初備萬兩黃金  
鑄景鐘八級層壇築圓陛侍臣曉入明光宮彤  
庭暖日升瞳矓絃匏鼎俎耀前列大聖制作垂  
無窮太常為祈玉為輅洛穩沙平試天步日邊  
風雨曉前收片羊笙蕭月中度君臣有道格  
天五星同色三台圖千官拜舞皇輿旋青城路  
遠聞鳴鞭黃麾羽葆識全仗繡衣雷鼓鳴鈞天  
羽林騎士如流水未明中央明宮闕明山川千門  
萬戶不知數盡捲簾繡瞻龍顏道傍老父百歲  
許醉倚春風自相語昔年舊事一日新廊廟功



成不因武群生歆報知何緣再拜願壽公千年  
海上神仙不知數無人解識三山路舟中彷彿  
見霞裙弱水波深不堪渡青天那得白日昇仁  
能愛物功乃成秦漢之君俱好武枉從方士求  
長生從來定亂必以戰公以不戰為中興兩朝  
歲活數百萬報公福祿知難名只今潭：開二  
府富貴如山澤如雨經殿時聞御幄香日對青  
光接天語歸來下馬復過庭一德樓邊柳舞陰  
天上頻移璫瑁造瓊賜酒如流泉盛事傳覲作  
圖畫蕊珠何處求群仙皇天報德何時足政恐

天心似人歆會從四世數五公何止長年是公  
福

次韻蘇元藻對雪長句

晚來風定雪初平到手杯行不暫停夜色遠溪  
江月白天花寧羨野梅馨遙瞻玉闕心先喜一  
見瑶林眼自青回首西湖在何喜借君詩作遠  
山屏

次韻艾主管歲除有感

藍尾先迎贊臘春流光依約似行雲功名如夢  
日月晚女兒滿前恩意勤自此傾桑落酒誰



家政舞石榴裙窮諸歲二年事老生奇恠  
文

雨中梅花猶有存者

江雨無情不管人殘梅有韻故相親閉門無事  
仍無客花作羞娥酒當春

正月二十八日雪晴睡起

沉水空濛睡欲醒寒窻窈窕日初晴誰將昨夜  
堆簷雪為作空階滴兩聲  
梅樹花邊日却紅鳥偷微暖轉東風寒窻喚起

無人見獨倚欄干看雪融

次韻余宅仲荅陳先生

何曾留得守囊錢長坐羈愁只斷編我已自成  
窮活計君猶為看小行年莫驚久客推難去况  
有吟詩盡可傳更看同升門下士中興自昔要  
真賢

送錢端修侍郎二首

人間編削要研摩富貴聲名不柰多似我豈容  
窺玉海如公真合上鑾波依光日月心應在回  
首湖山意若何鷺洲前留不得却歸京洛擁鳴



珂

晚竊官囊五斗陳  
笑談猶喜奉冠巾  
望塵雅拜何曾解  
拄笏看山了不嗔  
自古知心能有幾  
如公厚德更何人  
錦帆畫舸江邊路  
愁看飛花落絮春

次韻陳先生

羞對湖山照病容  
浮家全似陸龜蒙  
掃除故里三年夢  
邂逅幽人一笑同  
酒會驅愁常恐薄  
詩能窮我不須工  
兩家好客今安有  
為作緇衣補國風

三月二日同遊西湖諸公有詩次韻

水繞青山寺人攜白玉觴  
晴春方爛熳醉眼自微茫  
舟穩欺風軟杯深送日長  
誰家載歌管紅袖立斜陽

上巳日雨中熟睡二首

吳波越嶠翠爭流  
過盡殘春懶出遊  
花下看誰飛白馬  
雨中憐我擁黃紬

細數蘭亭歲月長  
當年舊事久淒涼  
但欣越女山前雨  
暗入羅敷陌上桑  
江南以上巳兩宜桑  
次韻孫子紹山琴



造化出尤物餘芳若為客遙知補陀山天香落  
巖風題評付大手妙質煩天公捧心陋嫫母彼  
美唯孟庸但恐兩無情一笑花遂空賴此絕世  
姿墮君幽句中相識苦根晚着語今復同願偕  
九畹蘭結根永相從可憐金錢花亦薦白玉鍾  
句遣倡條滋亂我風露藂

趙觀察作齋名煙艇孫耘老作唐律相  
邀同賦乃次其韻

知君心本在滄洲故揭寒齋作釣舟已遣江湖  
頻入夢便呼鷗鳥與同遊浮驂未可追前事畫

舫猶堪擬勝流笠澤有家歸未得斷腸蘆葉荻  
花秋

次韻方元相見寄

一椽允着亂山藂強入天街踏軟絙老去只思  
青眼舊詩來猶數白頭翁身遊吳越千山外春  
落邯鄲曉枕中賴有可人俱在眼舉杯唯欠與  
君同

睡餘飛絮滿庭有感而作是詩

春水綠波南浦路兩岸誰栽楊柳樹含桃熟盡  
未聞鶯荷葉生時已飛絮絮將春去不可回人伴



閒更須住我亦隨君似落花欲趁東風到何處

芳條色秀淨如霜折得殘枝近筆床月冷燈青

花歆睡可憐虛度此時香春事何曾屬老人好花知復為誰分何當碧玉

壺中雪飛作香羅髻上雲

次韻庭藻餘醪

憶昔在江國屢醉餘醪春平生看花眼老暗京洛塵玉城一見之玉顏猶可珍但恐花見憐憔悴

悴非昔人是事始且置飲我樽中醇幽姿不可

名清芬難具陳誰登玉宸殿與梅羞等倫山礬

豈其弟月姊當與親頗笑兀質陋始喜國色新

此論乃可廢此冤聊可親仲魯直水仙詩云何時持上玉宸殿乞與江梅定等羞

効王建體二首

金獸分香賜老臣全家望闕拜君恩教坊催樂

排春燕中使傳宣勸御樽

日轉彤庭柳影移微涼殿閣麥秋時侍臣朝罷

歸來晚又見金盤賜荔枝

送馮遠猷使君



雨露朝來下九天  
左魚還得舊青氊  
莫辭去國逾千里  
猶勝為郎動十年  
客至何妨常有酒  
民殘政自不須鞭  
款安遠俗唯無事  
聖主休兵本息邊

江上當年憶語離  
相逢雖健鬢如絲  
心知涉世着幾屐  
眼見承流換西麾  
臺閣異時須獻納  
廟堂今日要招攜  
九江太守多仁政  
此去知公得吏師

五月江天未徂暑  
日之江雲釀江雨  
眼驚雪浪

打秋濤卷地風來雨如許  
窮人賦屋終一椽茅  
茨零落仰見天風栖不定  
夜未曉旅食過午庖  
無煙家無鞠窮病在腹  
兩股重脰成蹒跚麥雖  
黃落雨未止雲歛漫亂  
風還顛詩成有淚收不  
得人生如此亦可憐  
君不見章臺走馬張京兆  
彈壓功成在談笑  
不將鉤距作神明  
自此長安無惡少  
邇來持節鎮七州  
令行幕府如清秋  
尚書地已八座貴  
况復功方三輔優  
應笑南來雙病鳥  
千里依人作昏曉  
鄧林有木暗如山  
誰與安巢着林杪



閬州太守以桃竹邛杖二物遺余宅仲而宅  
仲出以示僕喜而作詩

萬里何嘗入巴蜀少陵詩中識桃竹更言九節  
奉真仙無乃邛山有遺族平生二物幾到眼誰  
與周旋慰幽獨忽然渡海飛蒼龍天矯當前峙  
雙玉江心石竹誇堅剛摩<sup>掌</sup>紫焰生寒光孤筇  
節高不可及外雖似曲中直方閬州得此不敢  
藏亟遣二士相扶將余俟新佩太府章六尺翫  
體身健強未須御府賜靈壽行勒金狨朝未央  
老人勃窣不足數未有泉石成膏肓東吳自是

山水窟心雖欲<sup>往</sup>身未償會須呼客共蠟屐借君  
拄杖聊徜徉

送袁司理歸天台

長安少年郎意傾裘馬中水鳧偶相值蘭臭豈  
復同誰令千金壁照此白髮翁得此匪人力捨  
去真天窮

五月畏塗暑千里苦炎燭天台大士廬妙境在  
寥廓解鞍修供福茗椀應自瀹安得從君遊享  
此方外樂  
妙哉揭陽君文起八代表平生誦公文手自不



停披只今老眼暗  
刮膜無金篦  
天台有巨刻  
君其為教之

次韻文若與余相遇武林之作

南來衝雨着征衣  
山下黃梅正熟時  
老大相逢真是夢  
寒溫以外只談詩  
樂丞遊宦聊因酒  
陶令絃歌政坐饑  
人物似君辟易得  
一蓑歸釣未應遲

送曾宏父守南徐

異時連佩漢魚符  
兩奏殊庭報政書  
黃屋要聞當日句  
朱璫又擁使君車  
風流舉世推前輩  
文

采湏公侍禁廬  
想得西樓未回首  
已催尺一到

南徐

雨中對竹清甚  
效江西作六言一首

兩色接藍潑黛  
風莖曼玉鳴珮  
不復作可人語  
索此數君子何

次韻伯遠食楊梅十五韻

徐侯嗜吳梅  
健啖殊未闌  
喜氣入新詩  
脫手如彈丸  
遙想蒼玉枝  
尚帶白露漙  
日食三百顆  
語客疑延漫  
何妨攜東書  
常作東南官  
掇彼南山粲  
春君一酌歡  
南山有嘉樹  
采之何時彈  
恨我



無報章上可追建安誰知丹砂粒亦滿黃金盤  
回甘似蔗境嚼齒餘詩酸安得移此種飛舟下  
驚湍紅圓奪朝霞翠密回翔鸞大勝萬里來日  
曬中枯乾歸期眇何許且後同甘餐調冰漬崖  
蜜却暑資微寒

與叔容上天真臺題名壁用坐中語也

我生猶得問天真淨洗頻年馬上塵此地何妨  
來著我老僧元自不嗔人

天真寺白拒霜

天上登雲寺人間白拒霜山僧方宴坐魔女不

施粧玉色寧非韻冰姿不受香須當和月看夜  
宿贊公房

次韻仲平日十八日觀潮

吳兒輕生命如線赤脚翻身踏江練南人慣看  
心不驚北客平生眼希見黑海上潮來雪不如  
中郎詩成錦初爛句法豈但窺澄江壯士何從  
挽天漢飛流濺沫不足論萬壑千崑此為冠解  
言越嶠翠摩空歲與浪花爭隱見我亦蒼顏閱  
九州始問江神得奇玩六年東望西興雲歲月  
崩奔一飛箭擬將匹練作江圖歸與故人誇偉



觀儻從江海識波濤分逐秋蓬共流轉試令海  
若語憑<sup>馮</sup>夷慙色自應湏滿面誰當更草海潮篇  
詞采風流付王翰

次韻相之木犀三首

木犀韻勝無人畫合在詩翁阿堵中已寫幽姿  
入新句莫將遺恨在秋風

異時茅屋東邊樹黃粟吹香趁水流旋買殘枝

供燕機為誰辜負故山秋

蘭芳九畹是同流薜荔江籬格未優不為嵩花

作佳傳靈均空說楚江秋

雨後頓有秋意得小詩四絕

九衢殘暑厭風埃兩日陰雲遂不開造物固應

知客意急催秋雨送秋來

只今風露欲凋荷前月牽牛已渡河絡緯獨知

秋色晚芭蕉添得雨聲多

近晚殘更挽不留窺簷起看月西流空庭草樹

俱無語只有寒蛩解說秋

秋深時節在家鄉憶得黃花未着霜故國不堪

回首望<sup>王</sup>綠樽辜負五重腸

次韻子紹雨中遊北山禮白衣大士



官冷長如賜沐閑門雖謾設書常閑勞君馬上  
風前句畫我湖邊雨外山落木半崑秋色裏曲  
欄千尺暮雲間白衣大士應憐我忍對高人不  
厚顏

太倉稊米集卷二十八

詩五十八首

九日陪李德儀兄弟遊石屋

秋雲易雨秋日出九日陰晴苦難惻氣如昨夜  
太暄妍雲似今朝好天色天公要渠作好語著  
意安排費天力重到孤峯最上頭四年不見煙  
霞秋吳山長與越山對海水自隨水江流江山  
相見只如此老大豈知人許愁山上燃火入山  
腹下山騎馬尋石屋十八大士棲兩崑共向山  
中禮尊宿人言石縫泉作珠却遶山根走鳴玉



珠泉得名固不虛虎泉作酌不滿歆山僧應復  
笑我曹醉中泉石蒙譏嘲涇渭分流政須爾美  
惡賢愚亦如此寧將鷄肋安尊拳莫着陽秋在  
皮裏此語如何可便參聊供山僧一笑喜桃珠虎跑  
山中二泉名

題齊安新刻雪堂圖

名駒汗血久不聞天遣兩蘇空馬群當時二十  
出西蜀已說賈生能過秦玉堂詞翰不起草建  
隆以來能幾人功名後世只忠謹流落一生常  
苦辛心知才天難為用小折波濤入朝弄偶結  
江邊一把茅來作黃州十年夢勸君今上御名勿剪柔

柯雪堂楊柳公親種扁舟夜入赤壁江手持杯  
酒澆周郎酒醒月落賦已就東方欲白天相將  
邇來不知誰好事畫馬公曹詩畫圖裏短坡雖  
在入已忘空着江波接天起浮雲滅盡名不磨  
千古長流似江水

次韻庭藻題寒林涓川二圖二首

煙水蒼茫認翠巒寒林正在有無間何入乞與  
并州剪分取江南一半山  
煙梢零亂一川寒換得天心孫錦繡端却憶東  
窓舊時竹羊來新筍盡成竿



送蘇元藻

蘇侯新拜外臺官目送扁舟杳靄間我亦謾同  
千里月天教飽看七州山欲知此別無窮恨政  
坐相一笑闔攜酒却來潮上寺不堪重對小孱  
顏

遊多福寺、有佛牙光色殊勝而安定

郡王墓在其後二絕

吹盡青絲兩鬢華旋栽林下老生涯已携齋鉢  
分僧飯更炷香雲禮佛牙  
千古風流挽不回滿山秋葉寄餘哀奏璫人去

今何在誰釀黃柑薦一杯

蠅館晨起効柳子厚

拂席坐清晨幸脫塵事窘聊聞焚石鼎熏細講  
華巖品從迷索初心悟意嗟歲晚庭燕日延蔓  
零落費耒壑何當略邊幅乃或窮奧源奧聞餘  
年儻無恙願就一壘隱悠々藉至言廟々窮妙  
本會須師瞿雲未足慕嵇阮  
勅局晨入効柳子厚

朝陽下屋角白露收莓苔蒼黥至我知鈎簾喚  
風回破曉中庭花時傍修竹開事簡吏亦暇日



高官未取我囊中書炷香拂輕埃所恨諸  
公間疲駕愧非才敲茶驚午夢共淪風前杯支  
頤坐晝寂細影移高槐斯須各回鞭跨鞍尚徘徊  
雖非大三昧亦號小蓬萊

寄題閻郎中家園庭回絕

人間建業江山地上星來水石居擬作和門  
看竹客可能容我小踟躕

嶺上孤松款落照水中花鳥散餘霞人疑五柳

先生宅又似三堂刺史家

築成涼榭初宜月剪盡繁枝始見山天亦料公

閑未得故教幽事頗相關

屬玉雙飛下綠蒲小谿分水照林廬疏泉謾作

江湖意不種封君萬尾魚

相之庭藻邀賦齊氏赤芝詩

歸鴈庭空劔戟場天教人物發幽光書傳又祖  
人猶說名到仍雲事轉長朱草只今應有譜紫  
蘭何處不聞香我無筆下芝房曲付與南宮二  
省郎

九月十六日示內二首

又見黃花日清觴且對飛白頭夫婦少無事笑



談稀官小何時去  
家貧幾日肥  
更須煩德曜  
相伴老殘暉

小閣秋風冷  
青燈病眼昏  
酒重斟壽醖  
兒喜有雙孫  
書種吾家事  
即曹汝舊門  
人主唯老健  
餘合付乾坤

木魚歌和碧巖子并引

碧巖子夜宿官舍聞有持木魚報曙者乃作  
歌蠅館主人聞而和之

秋蟾欲落霜滿屋  
道人懸魚擊剗木  
誰將發發水邊生  
驚斷籟鼻中曲  
此生自是在家僧  
便

恐箇中緣已熟  
安得華駮吼夜廊  
去趨雲堂五更粥

劉蘄州見和木魚歌再賦二首

秋兩平欺玉川屋  
五晚寒窻風撼木  
道人閑作木魚歌  
使君肯和無絃曲  
枯魚剗啄渠自鳴  
客夢依稀我方熟  
此身安得在蘄州  
去覓君家啣嗟粥

五更木鳴魚繞屋  
喚起烏衣曉  
登木鼓殘千疊  
萬疊聲亂盡  
長清短清曲  
天邊孤月猶復明  
世上黃梁欲炊熟  
老人雖起亦何營  
但飲南窻一



杯粥

碧巖子作詩為小兒求紋襖戲作三絕

近來聞道得明珠丹鳳今年第幾鷓會遣夢中  
分赤錦不妨衣上有天吳

逸驥忽生千里馬新詩來乞百家衣老夫安得  
天孫段只有羊裘坐釣磯

舊來人說陳驚坐真有詩如孟浩然莫厭馱門  
覓紋襖此翁衣鉢要渠傳

次韻庭藻與陳相之李子至定尋梅之約見示

西湖三見青春回無人共醉山間梅晚逢詩老

看古雅如入周廟觀山壘我所思兮在何許昔

望王長江隔涯楚三月春前始識君倚杖看花聽

語君我今欲赴同襟期老情知得如年時清歡

既少飲不足枯腸欲盡詩應遲衣冠此地多佳

客相逢四海無南北天將此樂公<sup>付</sup>芋<sup>付</sup>何一枝方

訪春消息老夫<sup>大</sup>笑何能為折花夢作春山歸

次韻庭藻折梅懷周秀實

風流掃地難挽回二老人物如蘇梅時從花底

飲落雪醉卧沙頭雙玉壘平時交分心相許晚



歲相思各秦楚孤山籬落固依然縱有此花無  
此語周郎別去當有期歸來不復如瓜時天應  
知客頗有恨花亦憶君尚未遲我遊東吳身是  
客夢到江南與江北安得馬背如孤鴻萬里從  
君聊一息只今春草還萋萋會須急喚王孫歸  
次韻庭藻追記去歲與余遊西湖舟中

聞火而歸

漫郎移舟入小回醉著幅巾歌落梅老夫但倚  
紫藤杖袖手看取黃金罍忽謾相逢擬如許醉  
後高談俱楚、百尺君卧元龍樓醇酎我公羞

瑾語從來悲樂難預期人生快意能幾時紅光  
屬漢勢未已短艇掠水歸嫌遲只今俱是京塵  
客居居巷南我巷北天寒饑卧不出門遣騎時  
來問消息江邊久客知何為白頭拾遺徒步歸

蔚齋

山雲未成雨斂歲膚寸間會當不崇朝一雨膏  
人寰人言隱路豹依約在南山試從管中窺何  
止見一班人生患無才富貴天豈慳二士偉人  
物萬里來間閨行陳治安策遂拜咫尺顏豈容  
十里湖長吟對煙鬢願君如鸞鵠摩霄共追攀



雲出豹亦變何止銅與綸舉首望長塗分當落  
榛菅鵬飛君方高鳥倦我亦還

次韻庭藻讀少陵集

李杜文章萬丈高就中詩律少陵豪風流自是  
渠家事奴僕從來可命騷  
濯錦江頭把一杯碧鷄坊口草堂開十年劍外  
無相識黃四娘家幾度來  
玉燭初調大歷年先生偶脫萬兵前誰教蚤獻  
千金賦可得看囊更有錢  
睡餘賦東墻雪竹

飽食枕方便過午茶未杵撥火理殘香倚窓翻  
故楮尋我東墻隅枝筇散晉齋朔風寒蕭々修  
竹靜楚々枝頭雪猶在秀色乃如許竹固不受  
寒豈但不受暑老翁日々來相期伴君語誰能  
與俗人昵々作見女  
章彥溥決獄五羊歸登鬱孤臺得東坡  
石刻見遺報以小詩  
一見蒼碑眼自開便疑身在鬱孤臺可憐決獄  
章庭尉不帶將軍意汝來  
四聖觀後山亭



附山結真祠朱門照湖水湖流入中池秀色歸  
淨機風簾邃旌幢神衛森劍履清芬宿華殿瑞  
霧蒙玉宸髻髻還神京想像輪奐美祈年間新  
宮祝釐奉天子良辰復難會歲暮得斯喜况乃  
清樾中飛樓見千里雲車僅可乘吾事茲已矣  
當賦遠遊篇未可回履齒

太一宮成奏告禮畢秦樞密有詩示秘閣次韻一首三絕

聖主均休錫庶民親祠遙望屬車塵雲旗款下  
精誠格絳闕初成制作漸肅衣冠嚴祀事難

雖蕭鼓降明神椒醬一酌能多少散作人間萬  
國春

漢家何事築通天漫費當年九府泉躋世本期

開壽域祝釐端合報長年玉幣新祠太一神廟堂生育轉洪鈞侍臣俱從

甘泉駕萬世何人繼後塵

至治非闕黍稷香可湏巫覡降殊祥公今重草  
周公頌不數東皇第一章楚詞九歌祀東皇太

徐侯頓未墨豈復知花時美人忽含笑臨鏡窺  
漣漪朝來播糠眼喜作雲霧披湏煩春草句詠



此玉雪枝小窻惜無人共賞林下娉毛褚二三  
子亦足相邀嬉  
右次韻伯遠梅花

立春三絕句

暖風融雪晴方好春意催年老自悲故國未歸  
空有夢梅花欲動又題詩

地下清風欲到時土牛何得解先知牆邊雪裏

梅花樹已借清香入舊枝

多病誰憐澤國人眼見羞明綵幡新滿傾吳地  
千鍾酒細說長安六度春

再賦立春效王建體三絕

蒼龍闕角曉光分日近彤庭瑞霧溫殿下百官

猶未入閣門催引謝春幡

御溝冰暖欲生渦律管灰飛氣自和已進玉堂

春帖子六宮無事笑聲多

聖明天子見昇平二紀班春下禁庭今歲御前  
爭進表明年七十賀慈寧

七閩山中竹皆有實多至萬斛民賴以  
食歲且不饑作樂府短歌以紀異事將

以俟採詩者擇焉蓋詩人之職也

七閩山多地不足徃連山暗修竹今年是處



生竹花竹米登菑日千斛大家炊飯餉田夫小家作  
糜飫飢腹官雖賦田無上地民不扶犁得中熟  
福唐太守不敢藏青版成囊獻黃屋黔黎鼓腹  
慰天心宣付汗青書日錄山中老父雪滿頭何  
曾眼見天兩粟謾將葆旅屬珠星誰問廟堂調  
玉燭人言丹鳳餐竹實玉粒先來自山谷會見  
雙飛入建章萬年枝並青鸞宿

奉和黃文若贈刁文叔

昔日風流守流傳父老知諸孫今若此天意了  
無疑醉裏開愁眼燈前得近詩聞名真已久識

面更何時

次韻文若贈黃叔魚

倦客愁如許他鄉歲屢更衰顏人共笑遺恨老  
難平我欲隨歸夢君誰共月明嗣宗賢叔姪况  
乃各才名

曉枕不寐書所感三首

昔年殘夢曉初回花上啼禽近小齋可笑只今  
春夢裏五更歌枕聽籠街  
南帶津頭憶買舡花姑谿上釣清煙老來安得  
孤蓬夜橫枕漁策聽兩眠



黃髮心知萬事休  
力耕猶欲種春疇  
五更卧聽鷄催曉  
殘月開門起飯牛

晚霽欲歸三絕

兩後兒童喜欲顛  
老翁不出自欣然  
晴天霽色渾無用  
只乞斜陽了斷編

花樹窻前睡足時  
斜陽忽到兩邊枝  
白頭可笑

閑居士又寫春晴入小詩

印顆初封馬在庭  
杖藜猶傍竹邊行  
老兵莫謾催人去  
且聽幽禽說晚晴

分雙魚牋贈徐伯遠

水底雙魚不上鉤  
粉金翻樣滑如流  
我無三昧

詩中手乞與君修  
五鳳樓

次韻戴文舉陳季陵見索故藁

短兵無力可交綏  
強敵當前敢出奇  
况我龍鍾臨老日  
值君三五少年時  
擬將衝雪騎驢句  
換取看花走馬詩  
病思誰能更搜索  
但拳雙臂作支頤

送黃文若歸嘉禾二首

烏帽猶衝九陌塵  
扁舟誰釣兩谿春  
久憑歸夢尋香國  
忽喜清樽對故人  
滿眼窮愁嗟我老  
此



生交舊獨君真華亭一水無多地細作來書莫  
厭頻  
將軍十載半鳴珂才武憐君中異科但把長吟  
作回雪不妨瀕海看熬波時黃授方愁隻影身  
如寄便買扁舟意若何一別應須五年事好詩  
從此為誰哦

西湖詞二首

吳中小女結烟鬟自打青腰唱採蓮欲趁歌聲  
過南浦藕花深處不通舡  
湖天無盡月如霜露濕荷花別是香何處漁郎

解吹笛並頭驚起兩蒼鴛



太倉稊米集卷第二十九

詩七十四首

次韻呂仁父十九日朝謁初自宮南門

未央宮闕轉光風誰識蕭何第一功  
禁殿潮蓮銀海闊御樓霞似赤紅城  
舊來雙鳥飛翻處今在春秋贊祝中  
自此翔麟駕君輦試從紫陌看方瞳

月中與兒曹露坐二首

葛巾藤杖竹方林旋掃花陰坐  
晚涼兒小但隨翁看月夜長  
誰念客思鄉



客去無人與對牀  
風微聊借月為涼  
杯中好友  
多情甚勾引衰翁入醉鄉

罌粟將成

庚郎十飯九不肉  
家無斗儲飯不足  
窮兒朝來  
忽乍富  
墻下千罌俱有粟  
只今錦爛花爭妍  
想見雲翻釜初熟  
一飲醅醕生玉池  
再飲沆瀣充  
朝飢味雖是  
談中寶  
美暖能扶老  
其歸脾  
黃梁  
歲割一萬斛  
漫飼穀伯如猪肥  
君不見蛾眉仙  
人家海涯自種紫芋羹  
蹲鴟尚說人間無  
此味  
天酥醅固不可知  
願借東坡玉糝句  
題作此窓

罌粟詩

小兒燈下讀  
細書戲作

一生青白強  
鎗銖老眼昏  
亦廢書  
長劔竟辜  
真事業  
短檠空照舊  
蟲魚臨風忘  
酒殊妨事  
隔霧看花  
不管渠  
猶與蠅頭較  
多寡  
小兒曹  
合戒  
前車

次韻鮑仲山官居臨大池榜以協趣取

謝宣城所謂復協滄洲趣之句也鮑費

參軍詩苦清而矧清瑤繞屋分西湖長安城中  
開八陌心知此地人皆無草閣波平少停舍卧



看晴沙鳥飛下眼無公事兒自癡句有澄江官  
頗暇吾生已老心懷羞為飢索米亦有求聞君  
稍動謝守趣令我轉憶江南洲詩成况復終少  
味五字改堅不知畏可憐未識故將軍應似當  
年灞陵尉

次韻仲山再示協趣韻

青衫老吏骨亦臞身遊魏闕心江湖眼看白髮  
不勝數夢繞故鄉何日無况我推乃家詩官舍背  
水開門故墻下不見湖光意闕然歎喚歸舟心  
未暇一間羞處令人羞人生如此當何求春動

飛來屬玉起無人貌得河中洲我生嚼臘元無  
味鮑謝詩高心獨畏西風長怨草蟲秋自笑酸  
寒溧陽尉

次韻仲平喜雨二首

旱歎流金山歎裂百千火聚作此熱秋風忽送  
雨一犁應念田夫汗流血廟堂調燭隨弛張五  
色線補虞帝裳書生擬作豐年頌臨窻弄筆鬢  
如霜  
田作何即炊餅裂飲冰不救中腸熱千山雪路  
鳥絕飛六月行人駒汗血風師偃旆那復張雷



師鞭雨沾帷裳雨中髣髴雲子香行看玉粒秋  
飽霜

題蔡仲平博士行田記唱詩軸

當年車騎兩聯翩來按鍾陵水後田可但癡兒  
了公事尚餘詩思入風煙  
全君頗似太丘賢水旱憂君記昔年父老猶能  
談舊事想隨佳句共流傳

次韻孫子紹判院喜雨之作

豐隆歆鞭車風伯不借便我歆風伯雲訟意亦  
復變帝命誰敢違民事那可緩油雲始膚寸崇

朝忽瀰漫深憂軫淵衷凍雨洗霜早知誰挽銀  
河傾寫落天半喜氣同雨來孫郎語良應健憐  
占籍者就食免流轉天子坐法宮斯民樂芳甸  
雲山儻可尋野水不辭亂幽人得新涼妙作寄  
三歎君鋒不可當我後那能殿

錢塘初見黃爵

儂家大江東黃爵家江西江東黃爵不忍喫江  
西黃爵賤如泥赤罌封口上有印白綿卧酒中  
含脂君不見浯口漫郎真漫仕萬事平生不如  
意一囊紅粟不一咽千里苞苴誰復寄有時鞋



菜念故鄉并刀落鱸思炮霜青龜未免聊入俗  
黃爵那知亦渡江時平謾說爾可咀擊鮮誰遣  
今得嘗殘杯欲盡客欲去雕鴈烹魚豈論數酒  
聞風味不可名唯有此卽難著句九原誰喚儋  
耳翁添入當年老魏餐賦

范次元嘯齋

手種琅玕歲已成要聽風雨近窻鳴戲將落月  
千尋影幻作長離半嶺聲蕙帳夢殘秋兩急錦  
囊詩了夜燈清便須寫入朱絃曲安用能回越  
石兵

七月二十日秘閣曝書二首

芸香時近曝書筵縹帙湘囊得縱觀不是聖朝  
修故事豈知藏室有清官

香羅剪帕金描鳳紅字排方玉作籤身到蓬山  
瞻御墨眼驚奎宿射珠簾

題徐季功畫梅墨水屏二首六言

夜色無人能畫徐卽挽上寒枝鬢鬢孤山畫處

黃昏月到花時

細雨款催秋晚幽花已著寒枝似我江南九月  
西風馬上歸時



題徐季功畫二古木二首六言

千尺龍蛇天矯半山風雨憑陵誰為梅花賦手  
能回古木寒藤  
何處十年雙乾未嫌雪雲風襲食楚士兩龍共介  
孤竹二子清高

剪蘆藩出木屏二絕

小窻幽絕為誰通分得清陰落坐中可笑森嚴  
木居士肯來相伴竹坡翁  
特地移藩喚木屏眼明初見歲寒枝臨風想像  
香來處不到黃昏滿樹時

題王季共蓬齋

小結茅蘆寄一椽夜燈聊與客周旋聞知急雨  
來何處題作蓬齋亦偶然政教撩君江上句莫  
嫌驚我醉中眠老翁辜負漁竿久何日烟蓑上  
釣舡

次韻子韶遊壽星寺寒碧軒

好竹連山萬壑青落星天近接飛甍流盃共把  
人須勝風玉相看眼倍明故老舊日遊雲已散孫  
郎長嘯鳳重鳴閑來却倚朱欄看蒼雪依然入  
句清 東坡題寒碧詩有鈴、蒼雪落夏簾之句



別方桐川

一麾投老始專城  
共理聊煩助聖明  
欲識斯民元不病  
要知循吏本無聲  
官閑莫道州如斗  
客滿何妨飲如鯨  
它日桐川樓下酒  
會須分與故人傾

秋懷二首示陳李二省曹

客枕難禁夜醺搏  
不醉愁秋聲  
歸草樹霜力到  
衣裘依約江南夢  
留連海畔州  
君休問新句  
只有大刀頭  
細數平生舊  
誰人到白頭  
飄零無藉在  
生死任

羈愁太白今詩伯  
元龍昔勝流  
吾衰已如許  
何得奉君遊

次韻李郎中沐日不出二首

文昌不作吏曹忙  
賜沐歸來日更長  
青士寒生庭下  
雨木奴香借樹頭  
霜喚回短夢  
知何事尋得新書又夕陽  
遙想南窓卷疎箔  
起看雙鷺入

鷓行

薄領癡兒作詩忙  
閑中得味獨君長  
登臨莫負山如玉  
歲月還成鬢  
作霜誰把酒  
澆陶靖節天將詩  
付沈東陽  
明朝湖上看  
雙壁兄弟  
照鑪作



鴈行

次韻楊古老秋懷古風

相思復相思一別據如許相望隔參商相期邈  
秦楚邈泗願從之道路長且阻道阻不足憂歲  
暮心獨苦踏車縱絲娘頭緒幾千縷寒將出聲酸  
嘶入我肺與腑自我之來思悠々六寒暑賴此  
同社即清風生玉塵

送馮清叟使虜三首

上盡西湖幾翠峰偶值征駟度邊風遙知載酒  
尋山句盡入彎弓落鴈中

君王慈儉不臨戎國好長因漢使通遙想南歸

寒已盡榆關草色正春風

黃雲朔雪馬凌兢去踏阿邊六尺冰博望封侯

君亦喜歸來洗眼看飛騰

實錄院与道山隔墻堂後修竹僕飲餘  
必曳杖婆娑其下時聞奉常閣樂之聲  
故詩中有雲韶之語

風條無葉自蕭騷玉立修篁不受凋咫尺蓬瀛  
橫雪觀依稀綠竹度雲韶天憐人老悲雙鬢官  
似僧閑占一寮日々秋黎摩飽腹未知何以答



清朝

次韻王彥猷用前韻見寄

文字何當僕命騷餘年雖在鬢全凋元無舊曲  
能三嘆為借新章作九韶千里奉祠猶去國一  
官何地可同僚吹噓直上青天去誰挽斯人入  
聖朝

謝曹使君惠丹丘集

舊說江西一派禪公家得法自當年回風流雪  
何人似寶鉢天衣幾世傳後季安能窺製作者  
夫猶喜奉周旋寒窓讀罷無誰語只有燈花欲

關妍

題吸川亭李彥恢家

三峰擁中洲二水俱比匪狀如吸川鯨有屋負  
鯨背主人頌酒德量與劉阮對會令百川流入  
我三尺喙回視瓮間無人乃真鼠輩天風駕鯨  
波風靜水可愛想當持翠螺時作太白酌爾曹  
固何知此意有君在

題控黿亭李彥恢家

神仙邈何許鬢髯在中天弱水不可渡况乃風  
引舡六黿戴三山來此知何年上有百尺樓縹



耿翔飛煙平生持巨鈞一舉遂可連以手控六  
鰲於此相周旋可恨世俗眼未識方壺仙絕境  
不可到望之空惘然

次韻劉尉雪後東園尋梅

雪壓東園千樹梅忍寒誰肯為渠來却愁花底  
人如玉羞得南枝不敢開

贈趙德莊

赫奕宗枝秀稜層玉樹新相逢又殘歲話舊幾  
青春病不妨詩否家應入望頻少寬歸去日老  
別易愁人

時宰生日詩三十絕

某嘗謂為人臣而位極宰輔固亦足矣然而苟  
無功德足以惠利而流傳後世則雖位尊祿重  
足以超冠百僚使人歆豔以為一時之榮可也  
至其道德之不聞功烈之不著徃々為人輕鄙  
姻笑無所不至蓋公議之所在有不可掩者當  
如是也夫庸々者固不足論間有盛德大業足  
以自表見於一時者則當時之人必相與紀而  
書之後有作為詩章以歌詠之騰之衆人如出  
一口蓋公議之所在其不可掩者亦當如是也



五帝遠矣三代於周為近三百六篇可考而知  
在文武成王時則有若太公望周公旦召公奭  
在宣王時則有若樊侯仲山甫是數公者皆有  
歌以美其功德太公之詩不多見微繫其旨於  
大明其辭曰維師尚父時維鷹揚周公之詩七  
篇二篇公所自作及遺成王東山而下則專美  
周公之詩也召公之詩十有四篇皆美召南之  
治而已而鵲巢甘棠行露則專美召公之詩也  
其後周平王之元年衛武公以兵佐周有平戎  
之功王乃命為三公且使入相於周詩人作淇

奧之詩以美之又其後則有若鄭之武公與其  
父威公皆有賢德而並為周六卿司徒之官詩  
人作緇衣之詩以美之又其後有若魯之僖公  
亦有賢德詩人四篇以美之此二三公者未嘗  
為周輔相不過為師徒之官與一國之君耳然  
而猶皆有詩也周公大聖固所不論若太公之  
為師武公之為相皆於兵有功於王室餘不過  
聽訟斷獄好賢樂善寬儉愛民是皆一功一行  
形於歌謠者然爾未見其卓然大功非前世之  
所常聞非後世之所可及如吾太師公相者也



今公以道德為天子之宰以儒術為一世之宗  
以堯舜不戰之兵而定亂以成康禮樂之治而  
化民神功妙用超冠今昔書契以來所未前聞  
也觀其真誠一德上契天心忠言嘉謨下符主  
意陰功仁澤旁及群生能使兩宮相見九廟再  
安回累邠之危成泰山之固疑若出於神授天  
與非人所可得而窺測者矣夫傳紀武公年踰  
九十詩祈魯侯萬有千歲夫以區區魯衛之君  
猶得國人頌願之辭若是其至是宜諷訟章句  
之流皆願作為歌詩以祈吾太師相公無窮之

壽以為社稷生靈酬報功德之萬一也然則重  
章疊句溢篋盈囊汗牛喘馭方里而來殆不足  
以恠其多且至也今百執事之列如某之職踈  
而伎小文鄙而辭陋固不當自効一鳴以干僭  
越犯分之誅竊嘗怵惕而恐俯伏以思粵自歲  
在壬戌則嘗作歌詩與瞽師父老鼓舞堂下謳  
吟於九達之達而公亦能俯而能聽矜而能容  
未嘗有一言以督過之則某今日之詩疑若可  
以復進於鈞庭之下矣况今黎庶乂安朝庭無  
事年穀豐衍星宿清潤而月在嘉平將興嗣歲



日景晏溫頌聲洋溢此皇天眷佑有宋是生賢  
佐之辰聖天子嘉景運熙洽之隆重師臣眷遇  
之寵錫之燕喜恩渥有加玉醴天庖未從帝所  
鈞天廣樂下春私庭宜有詞臣博士太史獻詩  
作阿衡佐商之頌草山甫崧高之雅而區區之  
言尚敢以為獻實以至和之氣均被含生雖龜  
鼃之蟲亦將鼓翼鳴脰而不能自己也小詩三  
十章姑以伸頌願之情而已儻欲敘述功德之  
美載之簡冊之間雖累千萬言而不能盡也况  
於八百有四十言乎謹序

從來建鄴是王都天產臯夔為帝謨可笑晉人

無眼目渡江唯笑見夷吾

繡袞貂冠舉世崇陰功陽報本難名令公清德  
流無盡依舊秦淮繞故城

秦漢功由百戰成廟堂何代不談兵凌煙閣上

從頭數誰解無兵致太平

向來諸將各雲屯一折渠魁世自分但見鷹揚

稱尚父不聞跋扈有將軍

梯山蕃使入疆頻歲捧瑤觴奉至尊甲觀萬年

方祝聖王春正月更朝元



萬里邊聲久不聞  
蓬萊宮殿日長春  
君王勤儉無行樂  
閑作宸奎賜近臣  
黃帕蒙鵲御坐來  
臨戎久不按龍媒  
內前沙路平如掌  
玉輅初成試輦回  
紹興天子聖神孫  
明道宣和典故存  
曾與諸生迎御輦  
又瞻青耜載耕根  
當負年輪真落成  
均法駕天臨至尊  
萬國儒生瞻聖化  
一聲清蹕在橋門  
天祿初成幸翠華  
隆儒息意日尤加  
只應東壁圖書府  
便是瀛州學士家

仲春之月祀高禘  
天仗親臨曉霧開  
壇下百官稱賀了  
鈞天聲裏帶花回  
雙闕傍邊是玉津  
禁園花柳一時新  
樂遊原上無行幸  
分作慈寧殿裏春  
誰移蓬島在人寰  
詔賜新居五百間  
紫塞無兵清似洗  
丹樓不動屹如山  
御墨親書六字牌  
閣名新賜屬元台  
內前夾道爐烟裏  
爭看翔鸞舞鳳來  
御府分香壽老臣  
紫王親賜皇壺新  
聖恩無極年無盡  
恰似長生殿裏春



興王自昔要真賢精意從如格上天已遣嶽神  
扶聖主更騎箕尾作長年  
大事因緣意本深知公濟物自初心聊將石室  
巖前雨來作商家早歲霖  
一語能平百戰塵兩朝赤子盡歸仁十年閑卧  
邊亭鼓同祝公年是幾人  
南北交歡萬國寧不將黔首比金縢時人未會  
新盟意要與昭陵作中興  
百相論功固自賢真儒一出定千年能回鑿御  
歸長樂何止龜陰得舊田

北海來歸幾過年朱顏依舊照貂冠不將一節  
更夷險誰解如耐歲寒  
知公清德自天然猶復遊到簡編應笑向來  
張相國德後堂賓客少彭宣  
黃金新鑄景鐘鳴公作銘詩紀帝勳從此聖朝  
郊祀曲文章無復數西京  
袞衣調鼎春堯軒經術傳家侍禁筵試問一門  
三畫戟何如隔座兩貂蟬  
四海文衡孰主張半隨西落擅詞章三君八俊  
今何處知有宗師在廟堂



太平和氣一番新瑞表丹丘亦異聞不遣楓榆  
作連理誰知六合已同文

葆旅占星固異常閩山竹秀米千囊天公已遣  
鸞鳳食便恐雙飛入建章

胷中治國計誰良只有休兵是秘方肯為八荒  
開壽域能仁頃號大醫王

住世神仙五百年長生本出笑談間不從方士  
論爐鼎自有陰功解駐顏

帝城春近俗熙熙師宰功高不易知天上中人  
傳詔日御前蕃使賀年時

歲抄四絕

湖上青山一水邊暮雲樓閣九重天春幡影裏  
迎新歲爆竹聲中送舊年

天寒細雨還成雪日暖晴雲却護霜可惜梅花  
殘臘月十分天色似江鄉

此生無事不隨緣世路何心更著鞭年盡未歸  
春偶爾春來若健亦欣然

端門行款賀新元竊食無功只厚顏可笑腐儒  
黃卷客亦隨朝士紫宸班



太倉稊米集卷第三十

詩五十五首

虛飄飄并引

元祐間山谷作虛飄飄蓋樂府之餘當時諸公  
 皆有和篇戊辰臘月二十有八日夜讀淮海集  
 見之亦用其韻羞狗尾之續貂於顏有靦悟白  
 駒之過隙與世亦踈度幾見者不我謂焉  
 虛飄、虛飄、姮娥臨月榭神女渡仙橋風撼  
 花浮水霜吹落露條飛流轉眼下三峽密雪滿  
 空來九霄虛飄、虛飄、比人生命猶堅牢



虛飄、虛飄、水邊看海市雲際現天橋弱柳  
絲吹徑嬌花錦綴條卧雲雌電聲飲滄海過眼  
夕陽低碧霄虛飄、虛飄、比人生世猶堅牢  
戊辰除夜四絕

千里家山一問王  
問白頭夫婦且樽前  
詩中遊戲  
無三昧客裏光陰又一年

七年長夢採江籬  
此夜樽前倒接羅  
莫問東來  
何歲月諸孫言語似吳兒  
無功飽食槐侏儒  
贏得霜添白領頭  
已是再逢  
生太歲何須羞飲後屠酥

新春浩蕩曉鐘聲  
殘燭晶熒守歲繁  
年向白駒  
光裏度詩從藍尾酒中成

立春前五日史館對雪二絕

九天飛下玉花繁  
喜入長安十二門  
獨醉且須  
溫臘酒迎新又款帶春幡  
昔年縱跡寄江頭  
雪屋梅村自一丘  
醉裏却疑  
身是夢爛銀樓閣看瀛洲

韓信

韓信功高世共知  
區、安用假王為  
固應喋血  
長安日已在  
滎陽躡足時



范增

西楚吳王亦有人半扶炎祚作謀臣老生不解  
歸明主事去方知是失身

次韻子韶立春二首

自息中原鬪長安幾見春司天得南正迎日荷  
高辛送老年華速催耕雨意新又聞寬大詔飛

舞下天津

東漢故事立春  
日下寬大書

客久悲殘歲春生尚薄寒簪花人似夢卷白意  
先闌黃犢還驚眼青蘋已入盤新年有行樂老  
病逐君難

聞西湖梅盡桃花已有開者

不到西湖忍換年今朝欲掛杖頭錢催成柳色

遠如許落盡梅花最可憐

日日湖邊踏淺沙西湖久住已成家劉郎去後  
空腸斷憶著玄都觀裏花

送葉泉州二首

近日泉南守新除武部郎漢庭多長者循吏得  
惟良海國蠻珍聚兵厨臘酒香不妨聊卧治未

易薄淮陽

天上星郎貴人間五馬榮例樽知客滿閑閣自



詩成閩嶺千山隔  
吳舡一水輕  
九重宣密詔何  
日問歸程

送馮均州二首

聞說京西道  
均房虎更多  
寧湏嘆來暮  
政欲飲  
無何過客虛  
厨傳饑  
祇費撫摩君  
看陽諫議為  
郡拙催科

從事持三尺  
將軍控萬絃  
廟堂應記憶  
江漢久  
流傳又復分  
新壘壘歸來  
更幾年  
它時休恠我  
今日自華顛

寓宿省舍有懷方元伯

古屋頽墻久  
寂寥寒廳  
依舊長芭蕉  
主人應在  
花深處  
獨對東風醉  
小橋

次韻子紹題竹坡二首

寓舍有短坡植竹其子紹  
勝曰竹坡因自號曰竹坡老人

孫郎忽唾寒  
窻玉來過  
當年玉川屋  
更作縱橫  
一尺書為榜  
南坡西三竹  
結廬歸卧  
今尚無白  
頭  
寄食猶中都  
移栽自種  
短墻底  
它時此計知  
何如

次韻季共月夜見懷竹坡用子韶韻

五十九年  
遽伯玉家  
無僭石居  
無屋喜君  
馬上  
風前詩似我  
南坡月中竹  
寒窻有意  
過我無雍



容車騎子甚都更當為作子虛賦王郎文彩今相如

次韻季共再賦

烏衣諸郎美如玉笑我秋風卷茅屋才高渠是判花人頭白吾羞汗青竹此君那可一日無桃花不復悲玄都得公明月千斛珠我羞魚目真不如

次韻季共再賦

無方可試藍田玉空想雲菴卧王屋賴有人間百尺樓下臨此地千尋竹裏翁久已一枝無仰

睇逸驥方過都公是風流小摩詰我為無用長

喬如

次韻季共再賦

鉛刃不可切堅玉弊筐豈能持大屋強驅跛鼈當前鋒看公詩成如破竹君房言語舉世無射策未許蒙帝都巴人下俚不足數雲韶九奏方純如

次韻季共再賦

蘊石知公似荆玉誰作璵璠薦王屋白鬢應笑虎頭癡青衫謾把魚鬚竹老此安有為有無曹



節豈足當大都彈丸脫手祥走珠句法如此今  
誰如

次韻季共再賦

平生欲戲初無玉何嘗生存夢華屋苦遭田父  
亦與飲不問主人時看竹十事如意八九無暮  
年猶喜見子都那能從公得三絕但可一身觀  
六如

次韻季共再賦

鱸魚憶鱸松江玉舫作浮家當漁屋寒窓夢著  
雨中簾長釣復出波上竹平生僅識之與無敢

攻詩城跨王都歸舟欲上知可呼念捨公去何  
所如

次韻季共再賦

公哦新詩曼玉鳴欵辨陟釐湏滿屋誰遣藍田  
丘壑人來吹緱嶺黍差竹心知避路豈復無頗  
如六鷁過宋都小巫羞澁見大巫神氣比公真  
茂如

讀婆娑集書其後

蚤緣文字得聲名佳句流傳盡可稱讀到青蒲  
當日疏其他猶可是難能



寄幼安使君

平生清德畏人知豈弟真宜作吏師日飲無何  
方得計民歌來暮却成思何妨道守催科拙自  
是穰侯見事遲天與一窻供燕坐烏墩山好助  
公詩

食回魚頗念河魷戲作二小詩

西施乳可寧河魷解藥人  
新世間那有  
鱸筍初生水繞村河魷旋煮薦清樽十年不踏  
江南岸楊柳飛花款斷魂

己巳寒食

七度逢春食連年客異鄉鬢絲嗟老大冢木念  
青蒼亂眼花無數傷心柳著行病餘春又過不  
擬近杯觴

次韻庭藻韓園燕集

故老歸來有喬木更結飛樓繞湖綠城南去天  
無尺五中有人間幾崑谷驂騑曉踏金谷園花  
邊立馬綠竹喧金屈卮行碧落酒繡羅襦醉雙  
紋鴛吳姬遺鈿客墮幘白眼舉觴天宇窄春深  
別館花如煙藉草傳杯地為席君居當東我復



西莫嫌酒污身上衣遙知第五橋邊路桐葉題  
詩人未歸明朝雨驟風苦惡殘槓雖存不堪酌  
更須回眼到風篁急與海棠償舊約

再和庭藻韓園之作

兩後斜陽亂森木湖上山青河水綠將軍一色  
種桃花錦帳紅絲裏山谷人生莫愛歸田園結  
廬人境無人喧何如功成鎖金甲雨中看洛銀  
塘鴛鴦長安黃塵沒烏帽歸來橫卧一窩窄何如  
載酒作醉眠田父時來與爭席春風欲起春日  
西花下跨鞍花滿衣恨無龍眠老畫手寫作諸

即照騎歸竹坡有酒亦不惡客無人可時自酌

君憐羈客儻見呼來歲西園有新約

題陳公悅足軒

饑人未食長流涎芋魁作飯腹果然八珍九鼎  
紛滿前鼎中一鬻不下咽唾而去之惟欲眠貪  
夫嗜利絕可憐牙籌落手喜若顛家有窟即無  
數錢跨州連陌空名田千頭萬尾不當賢高臺  
未傾金碧鮮客食不下日數千奇禍忽起踵復  
旋利如輦非關天激太丘諸子圖畫傳元方季  
方兩照翮元也作詩如湧泉高歌大笑傾四筵



只今為郎近日邊  
季也勇退高騰騫  
結廬庇雨無餘椽  
栽花移竹今幾年  
種穀只取田一壘  
鷄肥酒熟客可延  
人生安分餘當捐  
眼前取足須隨緣  
請營菟裘將老焉  
伯氏欲掛神武冠  
歸作兩翁相對閑  
政看寶帶黃金懸  
未可便惜詩盟寒

王元道剪牡丹見餉二絕

知君流落在天涯  
八節難頭憶舊家  
想對東風開病眼  
幾行和淚看西花  
已是飛花落絮天  
東風猶入竹坡寒  
綠樽恨我

無醇耐紅艷  
煩君送牡丹

次韻林梅卿西湖載酒時僕以病不赴

西湖豈復是人間  
付與瀛洲學士閑  
百榼滿頃桑落酒  
兩高聊作道家山  
一年春事方三月  
萬里烽烟靜八蠻  
白髮可憐歎病枕  
蘭舫空想棹歌還

馬上觀道傍賣芍藥口占

沙河簾幕近蒼苔  
藥綠頭十里風  
誰道昇平本無象  
江都花是舊時紅

次韻陳彥育諸天閣晚眺



飛閣青雲上何因一笑同春歸  
憐客去酒聖與誰中相國名猶在  
唐朝事已空更將詩說夢強  
款付衰翁

次韻子韶送春七絕

混沌七竅鑿可恨倏與忽人生寒暑間萬古長  
出沒  
孫郎惜春白平澹古來聞譬如春江波因風自  
成紋  
來禽著青手紅藥護殘春但使風味勝不愧桃  
李新

微生感年衰誰能惜春盡政恐厭黃梅吳楊出  
蒸菌  
西湖天下勝咫尺安得徃青春不可追老力亦  
難強  
招提在南山共著臘屐登世無謝康樂此事誰  
復能  
青春不識回豈但春去閑何以永我日妙香橫  
博山

送喬郢州

使君雙旆擁朱轡竹馬先迎近郭春且聽郢人



歌白雪莫因騷客念東門新詩為我應須寄往  
事知誰與細論喚取莫愁烟艇子有時來伴石  
城樽

次韻章季常飲冰長句

九衢烏帽吹塵沙心知痼疾無烟霞病眼不禁  
書葉遮歲月逝已空吟呀故鄉日遠老日加無  
地可種青門瓜幾年坐甌兒女諱強吟冰柱哦  
雪車長安城中十萬家綠蒲朱籠來邇遐揮金  
截玉爭矜誇御府詔賜珍復嘉金盤璀璨無疵  
瑕章即文彩如景差便恐餘子俱公邪故遣麗

句開天葩語勝未必申豐華深山窮谷寒無涯

一讀盡噤池中蛙老人畫卧橫烏紗舉杯隨分

浮水花餘甘款借歸齒牙千金難官焙茶百金

未盡先藏又用賈耘老語

染衣亭馮敏叔家

聞說郊居勝新穿五畝池暗通山窈窕深住碧  
漣漪驚起紅鷗鷺吹翻綠荔枝雨添衣色秀波  
渡襪塵遲照眼誰當唾臨流自可詩水清魚莫  
種秋近荻須移剝歆添風月何妨更渺瀰却憐  
韓吏部埋窀作癡兒



玉井橋馮敏叔家

水滿雙鴛沼花開玉井蓮亭浮幽渚外人渡小  
橋邊白羽參差在跳珠次第圓風高與芬馥露  
重借嬌妍青板釣魚老朱欄聽雨眠時從客容  
與寧借鷺聯拳何日回征棹歸來賦短篇共邀  
池上月同看水中天

次韻伯遠端午日拜碧香之賜

紫府琳腴照玉壺來雷隱吏北山隅遙知拜賜  
瞻金闕應笑流涎濕頰鬚醉回看君紅作頰衰  
顏憐我綠凋蒲明年何止分瓊液細葛香羅世

亦無

次韻仲平去惡木葺新軒一首

自我來東吳竊食偷燕閑頽簷賦官居漏雨穿  
屋山有如胸臆虫盤屈沮洳間入門兒女愁出  
門車馬喧年來得新巢易地稍足言短牆蓬藿  
高顏亦費剪芟視公有華屋未敢窺其藩惡木  
除屏翳雲山借空寬即曹二三公相過縱游觀  
清吟屢刻燭夜語常更端但恐陳太丘開窓納  
晴川定復譏中郎寸碧瞻孱顏兩家各爭雄人  
物俱翩不如醉明眸墮馬傾低鬟付此百年



事試作一笑看我如雲水僧故鄉未言還安得  
從杖屨婆娑共躋攀

晚集江園會者五人黃叔魚林平父黃  
文若刁黃叔與僕也以暝色帶飛鳥為  
韻余得色字

少小謀一丘老大猶未得幽園固佳人處服自  
歎息賴此千載人相逢共京國追涼坐花陰持  
杯飲湖色斜陽入疎林晚色忽復逼忽々行語  
離兩別遂南北日落未可歸山高更須陟佳會  
豈易逢尊鱸不須憶

終

太倉稊米集卷第三十一

詩四十四首

次韻徐伯遠題錢少愚畫孤山月梅圖

錢郎名與大年齊貌得孤山一段奇月色昏々  
人寐々梅花淡々水漪々戲將三昧傳神手東坡  
有趙昌花傳神之語催動千林破臘枝不用摩挲窺妙墨暗  
香疎影在新詩

次韻仲平示曹庭堅侍御

曹侯為生廉易足天與一居山繞屋看山有味  
聊與娛嚼蠟無情本非敬子建波瀾今尚存斷



絃那用鸞膠續會當踏月夜相過曳我江心舊  
桃竹

次韻李共古意三首

艷女塗修眉貞女重婦德紛々桃李花豈復無  
顏色爭妍固可憐落去不足惜我欲採江蘼悵  
望秋水隔

人生結綢繆捐情誓蒼旻思愛那得長故交不  
如新躡躑迫歲晚坎壈悲斯人舉世亦何有知  
心繫夫君  
客從遠方來獨立江水湄江水何悠悠々白髮空

離々病足羞長塗弱羽思歸飛歌君傷秋曲淚  
濕遊子衣

袁時良霧隱齋

袁侯家多文頗似班叔文後有仍雲文采如當  
時流風今尚存所恨世未知一官事掎揚相處  
似未宜西齋附寒廳花竹搖風知惟因有餘日  
隱機哦新詩願君掃秋茶決獄稱吏師何必大  
門閭可使高軒馳會當專北門誥命司文詞斯  
文可華國當代稱羽儀它時豹一班寧須管中  
窺時來固有待道在亦可斯只今坐寒窗相從



歎無誰聊呼管城筆文字相娛嬉

王興周以蘇養直詩見借今日偶攜至

直舍且誦且已自喜亦自笑也為題三

詩因効其體

江湖久入平生夢猿鶴空懷老去羞輸與蘇郎

閑日月小舟長繫白蘋洲

身如倦鳥欲歸去盟與白鷗真復寒更把後湖

風月句着官仍對吏曹看

省樹移雲晝欲平牙籤卷盡俗塵清誰知吏案

文書裏時有滄江風雨聲

次韻子紹秋熱憫雨之作得詩而已兩

足故詩意小異

我欲蓐收回老火乞雨天公殊未可忍饑但復

念壁立回首誰能看甌墮天將夜雨送秋來可

近書檠吾已惰耕犁澤澤水涓涓歸買一廛猶

不果老翁何日在田間君上青雲應記我

次韻庭藻兄弟唱酬之作

黃犬書來得近詩楚騷寧復為秋悲會令好句

能傳信更有何方可樂飢巖壑樹高元是挂階

夜人秀盡成芝眷令風雅能誰繼神物應須與



護持

夜聞潮二首

江隔西興老翠鬟轉頭即是海門山八盤嶺下  
移家住要聽潮聲到夢間  
春雷隱約地中鳴慣聽由來夢不驚莫怪詩翁  
未歸去故鄉無此海潮聲

次韻仲平太博中秋齋宮對月二絕

秋蟾此夜一盤明分影落齋壇分外清想對風  
光無處說夜深聊復以詩鳴  
軟紅堆裡十朱輪此地何嘗有一塵月亦憐君

太孤絕故來相伴作三人

次韻仲平十七夜太社行禮月色如晝

從來方社要齋明玉豆精華酒潔清風裏笙蕭  
雲外去耳邊環珮月中鳴  
龍輦東下未為輪九奏迎神不動塵想得椒醬  
初奠了夜歸猶有月隨人

九日不出隣牆木芙蓉盛開

九日無行樂何人慰獨居擬翻金漱澗聊醉木  
芙蓉秋與愁相似花應意不踈衰顏誰復管薄  
艷更憐渠



九日竹坡晝睡二首

紫萸香度酒杯空，分付重陽一枕中。老去上山

無脚力，試憑幽夢到南峯。

前此小兒輩欲上南高不果，期以九日又不果。

近籬青藥欲成金，料理衰翁作醉吟。留得從

十日雨中對花

客有誰持酒，花猶解過牆。西風吹畫幕，細雨濕  
紅粧。此地當愁眼，回頭隔異鄉。幾時歌醉帽，一  
朵薦重陽。

九月望日月色如畫

靜夜無人鵲轉柯，冷蟾分影照金波。月如白玉  
盤初掛，天似青銅鏡始磨。正好中秋無此色，不  
知今夕定如何。錦袍太白憑誰問，應趁春風上大  
羅。

九月二十四日試吏省舍雨中獨坐終

日是日，阮誦阮嗣宗。秋懷十七首，因劫其體。

素秋倏欲抄，鷄火亦已中。霏微值零雨，黯淡悲  
西風。幽庭落葉下，古木寒條空。何年琢翠巘，洞  
穴窺玲瓏。歲久人跡絕，亂石摧前峯。稚竹絕可



憐岨強榛管藂但恐歲歆晏霜雪日夜濃物理  
有變滅人生若龍鍾異哉清切地滋烏得從容  
聊為商聲謳獨和寒窓蟲

次韻仲平祠宮書事二首

月黑祠宮夜天寒誰與偕遂聞先室召先造太  
常齋勝事詩能說牢愁酒可排明朝看方朔割  
肉更詼諧

秋晚催年急愁多與病偕容塵游淨機落木下  
寒齋吏部詩如許衰翁老易排無心羞闌葺有  
句似俳諧

次韻仲平種金橘

黃落江南盡蒲柳金橘可曾眼中有頻年慣見

小阿奴萬里來從洞庭口吳中夏果爭團栗揚

梅五月紅欵然后皇佳樹寂晚出蒼柯密葉垂

青圓萬物因人作輕重玉食供玉當有用瓊才

誰錄荔枝奴龍眼号荔枝  
奴語在本草結綬彈冠必王負驛使飛

來無此實吾皇德盛如帝乙上林桃李知幾何

草木簿中無品秩山中移栽初種樹妙手封植

公所施它時餉我三百顆更乞書尾蘇州詞

次韻子紹九日杜門



晚吹悲落葉微雲淡秋陽幽花趣佳節綠酒生  
寒光秋物誰可人木奴半青黃想當持兩螯與  
客薦一觴未須落烏紗着屐登上方池邊木芙蓉  
亦足醉流芳醉輒遣坐客醒復翻書囊心遠  
門常開足適屨可忘念我安得此困卧秋日長  
衰年迫蹇嶮病力難助勩昔與群少年登山各  
跳梁醉中看茱萸尚憶故態狂歲月挽不留老  
大徒自傷但念拜東野相從日尋常

紹興十九年秋九月丙戌皇帝以太師  
益國公像御製贊文稱載勲德命秘書

省珍藏小臣備數史館獲預榮觀再拜

稽首賦詩二十韻上進

真人乘六龍垂拱御八極日月一照臨乾坤盡  
開闢向來草昧初廟議資玉食當時無遠謀從  
事日鋒鏑維師有尚父端拜奏奇策投戈休五  
兵執玉朝萬國展案禮文勒功歸帝籍異報旌  
殊尤聖意益桓赫御府傳丹青金匱秘東壁天  
語粹克謨宸奎明寶墨想當緘錦囊喜色動咫尺  
伊誰蒙此恩從古所未識在昔聞商宗良弼  
夢天錫惟肖得形似審象旁刻畫凌烟與雲臺



輔佐亦努力辛勤入圖畫文字紀功德何為得  
斯名往々盡兵革安能不戰勝有此曠世跡誰  
持雲漢章雕鐫付金石千秋事明主萬世垂典  
冊

次韻子紹同黃超然諸公山中之作  
人生丘壑意往々老未決煌々金朱人何嘗樹  
風烈轉戰作蠻觸肝膽殊楚越挽為林下遊如  
熱就炎暘不知誰爾嗔自欲作此孽諸郎各坐  
曹十日忽已決竹輿走驥駿山溜隨活々青山  
不相違相見兩欣悅共賦臨清流班荆坐林樾

誰持步兵酒相救文園渴風嘯蘇門登衣飄御  
風列問酒掛百金登高扶九節况乃落星巖似  
與入世別尚想儋州翁清詩散飛屑遺跡儻可  
尋斯遊未宜輟偉哉二三子風姿各英發應憐  
老病足無用飽芻秣那能嘶叱風長歌唾孟缺  
眼看磊落士抗論自超拔各鳴白玉珂共上黃  
金闕笑我不出門與世無乃拙長鬚夜光持清  
澹面竒絕咀味久益寒牙頰貯冰雪誰當呼我  
起着鞭追往轍同乘一葉舟共載西湖月  
送王彥猷歸淮西



不食濡頰塢口魚只今已是十年餘我猶足馬  
隨人後君亦華巔與世疎此去又分真館祿幾  
時來讀道山書梅花莫付長安使行卜昭亭嶺  
下居

子紹許分雙井茶未至

醉眼昏々睡不開可憐辜負小窓梅須須雙井

一杯雪喚取竹坡春夢回

子紹分似雙井以前韻為謝

雙井甌翻雲脚乳孫郎詩似臘前梅更求琢玉  
敲冰句要伴茶甘一併回

次韻仲平齋宿慧照

中郎自是廟廊方平生憂國心如齋太常章句

十二萬說論不與心相乖周王五禮久不作后

夔八音今復諧君不見周南留滯漢太史夜瞻

燿火空與懷朱紘且可奉祠事畫舸未用思清

淮行當入對青鎖闥可但走馬章臺街持竿我

歆釣烟水歲晚黃帽仍青鞵諸公方藏太平事

翁也謾作優人俳

次韻仲平陳郎中孤山見梅用黃法曹舊韻

綠髮朱顏日枯槁心向梅花尚傾倒誰知更有



少陵翁江上情多被花惱三年家住孤山下玉  
樹瀕湖得春早山高有月韻尤勝水近無風香  
亦好凌霜我欲念花寒對酒花應憐客老孤芳  
一別今幾時更恐山林跡如掃參橫月落夢成  
空遺恨此生常草草醉挽芳條欲問誰滿挹清  
樽酌碧吳

次韻陳郎中再賦孤山梅

南枝先回北枝槁玉山誰向花前倒庾郎已老  
怕愁多何郎憐花為誰惱今年冬溫得雪遲西  
湖地勝着花早舊時處士作詩處籬落橫枝為

誰好清霜着樹月滿枝白雪堆花門不掃麗句  
能回鐵石腸賴有廣平文獨老借令一笑有餘  
妍能此新詩不須草歸尋手種桃李花痛翦繁  
枝投有吳

移植官梅已着數花得四絕句

昭文館外無花看吳市津頭買樹栽花本無情  
天有意忍寒教為老人開  
六尺墻邊滿樹霜分明不是世間香黎郎可笑  
無風味要把渠僮聘海棠  
舊日谿邊醉帽斜玉鞋如雪照烏紗如今欲折



疎<sub>二</sub>藥無柰霜蓬不受花  
慣作梅花樹底眠老來何事學彈冠詩翁句裏  
無官樣只合孤山月下看

郊祀前二日雪

嶰竹吹新陽端門飛曉霜憶隨侍祠官走賀屐  
齒折簾垂白玉樓風度蒼龍闕齋殿宿皇輿脩  
廊響鳴珙寒風忽吹散萬象森可閱星言催夙  
駕天仗含璧月聖心有忱誠天意有施設誰為  
白雪歌入奏黃金闕

太倉稊米集卷第三十二

詩二十七首

郊祀紀事十首并引

歲己巳之中冬十有四日、南至

天子親祀於南郊某以攝事宰屬被旨為外符  
寶奉璽玉以先駕十有一日

皇帝命出寶函於御府乃拜受於殿門之外十  
有二日晨饗原廟夜祠太室悉奉玉以從十有  
三日駕幸青城設寶幄於端成殿之西廡而宿  
焉明日乃歲事於圓丘是夕命朝欵雨而止夜



月如畫微風不搖事皆可書退而紀次得十詩云  
內門朝日上金鋪寶玉龍函出殿餘紅燭兩行  
分御道輦官三百奉腰輿奉寶用輦官三百余入謂之腰  
輿皆龍燭執火香而前盡故事也

內即進表未平明八玉排行御路平今夜皇輿  
宿齋殿九重和氣滿宮城

內侍二人號內符寶即是  
日進表得旨乃奉寶以出

曉趨宗廟拜衣冠雲葉依

岳護翠變虫日采回光

天意好龍顏生喜近臣歡

駕次太廟天意欲雨  
候復開霽上大悅

班聲催急盡冠裳尚聽嚴

更轉警場何事君王

虛小次佩環垂玉立寒霜

上酌獻既降當入小次而不入  
露立甚久群臣駭異

日照青城瑞色新風微金殿自無塵

鹿射謀光  
照

烏絲軸親寫宸章賜大臣

上次原廟之明日作喜晴詩賜師臣  
稱輦贊彌亮之功

水晶簾透月翻光宮漏頻傳夜未央

寶幄微臣

亦何幸侍祠來宿殿西廊

紫壇煙煖不飛霜壇下千官列鴈行

雪色珠冠

光射月侍祠臣裏識君王

初動八音諧登歌已奏

清蹕聲中下輦來景鍾初動八音諧

壇陛以十二辰為名  
上所登降皆自午階

迎神曲天步雍容上午階

紅燭自生烟織雲不度

龍麝香從十里傳統牆

紅燭自生烟織雲不度

人聲寂風馬雲車下九天

紅燭自生烟織雲不度



樓上紅鸞扇影寒樓前宣赦萬人看清臺奏瑞  
初呈了五色祥雲簇彩竿

禮成上御端門肆赦太史奏有五  
色瑞雲覆于雞竿之上

恭和

御製郊祀喜晴詩

聖學淵源貫九丘雍容元祀得遲留明庭來款  
宸心肅雲馭先回曉月浮三禮秩宗歸大舜一  
言悟主付千秋已通燿火親祠事更有何人敢  
告猷

恭進郊祀慶成詩五首

噦竹初回律圓丘始告虔禮應先吉土誠已格

高天上聖鐸環佩群公執豆籩誰為郊祀曲傳

寫入朱絃

黃屋登原廟青圭祀泰壇盡循周制度還列漢

衣冠扇影金根靜旂翻豹尾寒近瞻天有喜宗

社慶重安

百執稱元祀君玉服大裘祥光將盛布雨意倏

前收月白明彫俎霜寒肅綴旒款知天意格彤

嚮荷神休

聖主翔龍日重熙饗帝時笙鏞陳備樂蘭栗薦

純犧真徹初燔燎神歸款受釐禮成人共慶廊



廟有宗師  
聖壽三千歲  
精煙二祀餘  
天心親道德  
四海混  
車書奎畫宸  
章鹿台躔  
上宰居小臣  
長拜舞猶  
得奉皇輿

臘月尾雪意甚濃  
歛復開霽

曉來豈隆車屢却  
羲和轍雪意滿江天  
雲山繞宮闕  
冰花翦歎墜亂絮飛  
復歇娉小臘前  
梅天寒亦高潔  
羞隨小桃枝  
獻笑取俗悅  
應留玉樹姿  
相伴寒江雪  
含情若有待  
此意何由說  
安得孤山圖畫此  
兩奇絕

後數日始得薄雪

殘臘不附火  
冬溫渠堪說  
身疑在炎方  
隆冬有餘熱  
天公費許力  
醞此一薄雪  
草青先得春  
麥短未濡蘂  
風回始空濛  
着地忽消歇  
人生亦復尔  
過眼倏變滅  
誰能將空花  
認有作嗔悅  
急須營一杯  
爛醉梅上月

次韻季共早大雪早遊竹閣書所見

憶昔司酒母  
瀕湖賦官屋  
頗如賀知章  
上疏得湖曲  
詩雖竟坐窮  
天亦稍從歆  
三年看飛雪  
萬嶺琢寒玉  
有時橫輕舫  
不敢唾掙綠  
但當忍涕



淡豈不念安燠是時走緋衣荷擔曉相逐豎冰  
鑿涸陰推日在北陸收藏備賜頒功用等神速  
歸來閱空庭玉立僵凍木青燈照詩肩屢作龜  
頸縮高軒客誰過寒瓮酒空熟只今古城隅回  
望蒼山麓崎嶇失巖岫紅腐困饘粥王郎飛曉  
驂此意知有屬久懷斷絃悲當倩鸞膠續訪客  
想回舟敲門亦看竹恨無摩詰手風姿寫幽獨  
憶君賜九回得意日三復平生交遊盡如子一  
夔足它時追汗漫便可擺拘束人生何自苦成  
敗碁一局

次韻季共再賦

寒深方閉門雪重和傷忽湍屋誰能起僵卧賴此陽  
春曲高雖和喜甚得所欲心知夜光珠大勝  
煖老玉歌君窈窕詞侑我荔枝綠頗疑蝸牛廬  
忽作駝裘燠窮兒偶作富貧固不待逐我老况  
才盡文字羞二陸上水舡苦遲脫手彈驚速寒  
如蝟張毛癡類鳥栖木兒時弄筆手老款袖間  
縮打窻聽悉宰坐睡便清熟暄想西湖雪已沒  
孤山麓那知公是時洗鉢飯僧粥灞橋風雪疆  
並酌不相屬政如冠上貂難使狗尾續病骨尚



畏寒少待吹解竹春山走透遲呼客慰窮獨新  
遊不亦惡舊現疑可復歡知當有餘飲豈嘆不  
足述作付陶謝囊橐歸自束相從笑癡兒日暮  
方坐局

次韻季共再賦

往作山中居懶甚不出屋誰知五斗膏湏用作  
鉤曲索米無如何問舍豈不欲空懷兩谿魚紅  
鱗鱠寒玉不知坐中山修眉為誰綠弊裘裹粗  
繒隨分了寒煥儻忍作海夫雖臭亦可逐如其  
不能然未可嘆沉陸此事誰當論唾面恐自速

如君秀芝蘭非世閑草木交蓋久已傾談舌未  
易縮不知人謂何此念吾已熟年來有新遊妙  
語敵嶽麓懸知南屏謙頗為調茗粥何人飲羊  
羔金帳意有屬淺斟醉模糊低唱聲斷續誰同  
白傳樓下看雪中竹更題竹上詩傷神想幽獨  
但恐世間求此樂未容復况乃薊雲姿自是千  
里竹行看鱗八齋何止芻一束應憐老病翁短  
髮悲曲局

雪中歸竹坡二絕

天寒歸路雪非初家近錢塘十里湖烏帽奔鞭



誰畫我因應全似灞橋驢

小窻梅冷一花明卧榻塵空六尺橫多謝去年

湖上雪隨風時到竹坡鳴

時宰生日詩六首并序

太師益國公之壽日天子出御府之珍燕於其

家伐鳴鼉之鼓調雲門之瑟飲以玉醴薦於天

庖以錫公無窮之壽蓋有年于茲凡百執事之

在位者與夫州牧侯伯之在遠方者內自中朝

南連閩粵西抵巴蜀莫不長言永歌願祈公壽

以相聖天子之祝皆覃精研思以吐為霧穀擊

繡之詞固亦麗矣彼不能者將何以復容其喙

乎嘗試以天人相與之意而言之則似若有得

於心而應於言者焉往者上詔將作以建公第

阿閣層檐上摩丹霄宸奎妙畫爛如雲漢乃取

商伊之一德揭精善之美名聖意所在曉誰不

曉然而求天心之所以克享於公者猶未易名

也歲在丙寅天子親祠以南郊前事之夕天且

大雪粵翼日豐隆回馭雪正月出星宿清潤天

色晏溫人皆異之上乃大悅今歲在己巳天子

復祀於南郊陳玉輅建龍旂司服獻大裘典瑞



秉蒼玉元酒在樽大羹寶鼎將歲事於圓丘十  
有二日庚寅朝原廟天且歆雨陰雲回垂曾不  
旋踵倏大開霽十有三日辛卯上次青城日出  
扶桑麗於玉闕有司夜舉祠事天高月白纖翳  
不陳燿火既通微風不動明日肆大霈於端門  
天顏悅豫太史奏瑞黃雲繞日都城稱頌歡喜  
一辭咸曰猗歎休哉此吾君相所以昭格於上  
穹之効也夫以丙寅之祥固甚顯異庸、蚩、  
容或未曉後三歲而天顯其靈尤甚昭著應如  
影響事若符契天雖不言若與之端拜而議矣

此豈人力之所能為哉然則向者吾皇之比德  
於商臣有若魯龜之前知百辟群工目擊意喻  
萬拜黎庶固不是孚則公之信於君可謂深矣  
公之格與天可謂至矣是宜摹寫德容形之謙  
素歌詠大美刻之金石而天語粹溫宸翰赫奕  
海宇流傳一日萬口皆書契以來所未前聞也  
退惟前日扶藹老稚天流離山谷心口相語初不  
意自得見太平之日今乃身遊廟堂和氣之中  
目覩禮樂文明之治怡然相與周旋揖遜於俎  
豆笙鏞之間亦已幸矣則其伏拜於公堂之下



以獻區々之祝為不可沒也擬古風六首質而  
不幸理而不經前不足以攀古人之轍後不足  
以躡疇人之蹤固不敢矜蹕而前至於述聖意  
之所歸明天心之是格其事迹昭著若諄々然  
有言以命之則敢其謂庶幾焉謹序

后皇開玉京仙官儼成列奕々我長纓珊珊佩  
鳴珮中有一真仙容華粲冰雪維時值中原格  
關彌歲月帝命下撫摩聊用寃施設王綱墜莫  
舉獨以一手挈至言等藥石黔黎盡生活帝曰  
伊誰能何以報殊烈壽之白玉將水奏以雲門闕

徘徊上璇穹千秋拱雲闕  
軒皇出御世垂拱坐法宮時聞庸衢間虞夏歌  
兒童霓旌旋羽蓋問道來崆峒天師廣成子道  
實與帝祠一言忽相契四海俱同風天師初何  
言涿鹿未為功蓋以清淨福下浹寰區中君臣  
俱好上自然格蒼穹天道本好還報以歸其助  
一千二百歲此壽何由窮  
南山一何高山高亦何有上有摩霄松蒼虬立  
盤紆下有千歲膏食令人壽挽之為天樞循環  
轉維斗紫宸傍七星坐閱幾晚晝帝以殿厥居



山龍垂袞繡后皇植巨木載物見坤厚用以持  
洪鈞功乃周宇宙才大用固難德盛功亦懋社  
標其何顏繫柯日滋茂

鳳管吹新陽夙駕欵寒谷鑿車次原廟陰雲立  
紛覆皇天倏開霽裁馭亦返軸明庭朝百靈百  
韶奏新曲天神下璇穹精意儼森肅霜華潔彫

俎夜寂響鳴玉燎烟升紫壇龍旂護黃屋齋明  
坐宣室彤嚮來福萬大沛均四方穆々熙庶俗

孰知廊廟功一德天所燭

晏嬰昔事齊頗作君臣樂魏絳款安晉賜樂乃

備作區々二小國功利亦云薄舜德本好生臯

夔坐酬酢朱干舞堂陛翔鳳彩寥廓大哉廊廟

功禮文粲交錯登歌奏郊社率士被和樂仁聲

淪肌膚有識自忻躍四海悉歸仁大信初不約

不柏洪崖肩壽亦芴山嶽

太極肇兩儀君臣亦爰分風后力牧來于今幾

何人中古稱伊周當代知無倫公功出其上未

易今昔論功固未易論報以難具陳傑閣標盛

德備燕昭庸勲丹青繪謙素奎畫形絲綸凌烟

古亦有茲寶所未聞何勞下羅拜金猊祝爐芬



永相天自許耆壽尊師臣

次韻子紹臘雪書事

君莫愛廣寒殿冷月姊歸夜乘白鳳空中飛何  
如長安城中千門萬戶雪玉皇后闕人間稀明  
年玉春月書正瑞麥垂黃臘前應衮衣丞相穆  
天繹白髮野人歌聖政吾生老矣直宜休此心  
歎話誰當酬短犁青帽耕雪壠破曉何時歸飯  
牛誦君新詩如七發酒酣起舞耳亦熱滿夜方  
伴月嬋娟問戶不知風凜冽  
元日三首

八風占歲暖先催喜色還從太簇回庭下衣冠

天咫尺雪中宮殿玉崔嵬

去年殘雪在樓臺日上黃簾禁殿開白髮小臣

指病眼誤隨雲氣到蓬萊

三尺金猊暖御爐黃麾伏下奏番書喜看萬里

朝元使又上今年第一魚

春意二首

客思知多少衰年倍感傷寒猶噤鳥語兩不聽  
花香去路如天遠春愁着斗量擬拋彭澤印掛  
席上歸航



兩細無多子雲開又夕陽鳥呼高枕夢花醉老  
人腸倩酒推愁去憑詩伴日長王孫歸未得草  
色自東墻

寒食病起二絕

桃花落後鷺雙飛三度清明換客衣猶有江南  
故鄉夢起尋楊柳揷朱扉

異鄉多病復誰憐怕見清明二月天雪白吳兒  
解歌舞羨它推門手上湖舟

太倉稊米集卷第三十三

詩六十五首

病起借季共筒字韻呈相之季共

樽前風味笑衰翁病起飛蓬一半空春與落花  
何處去醉如霜葉不成紅一生渾作邯鄲夢九  
載看吹嶰谷筒老去新愁尚無數却須分付酒  
杯中

再用筒字韻呈相之季共

柳邊輕絮不禁風春事如梭過眼空已有繁枝  
催暗綠忍看疎雨打殘紅強隨瘦馬歌烏帽只



合秋江把釣筒賴此同遊兩陶謝詩成渾在笑  
談中

再用筒字韻呈相之季共

似僧寮外看春風晏坐尋詩不寫空春事可憐  
樽酒在旅情猶念舞衣紅去家久似千年鶴時  
節看沉五綵筒節物苦催雙鬢白故鄉常着夢  
魂中

恭進奉安

中興聖統慶成詩二首

歡聲何事入康衢  
邃殿功成聖統初  
歆卜萬年新曆數  
重看四海舊車書  
雲韶奏樂來天外  
寶

冊鳴鑾上帝居  
合與典謨垂奕世  
活溪文在復

何如

禮行廊廟喜書成  
重比商周說中興  
九葉承家傳鳳曆  
六飛當位紀龍昇  
人將克禹方勤儉  
天付蕭曹作股肱  
擬為中和歌樂職  
小臣蕪陋亦何能

送守寧道住顯忠菴

報恩席上三千衆  
錢氏菴頭六尺床  
今日道人無舊夢  
閉門打睡不開堂

謝吳司戶寄詩卷



萬里徠西極龍謀定不疑人應如此少老眼識  
君遲白壁元無價青雲未易知小低湖海氣安  
穩過天地故國雲山夢長安白首即病眠三日  
雨門靜九衢坊別後誰傾蓋書來喜失床愛渠  
詩似玉應用錦為囊

春晚偶題

春與桃花作伴歸不須更着雨頻催簾垂盡日  
無人處柳送晴天落絮來愁裏酒杯誰共把眼  
前書葉懶重開那知造物憐幽獨恐遣啼鶯喚

夢回

食生荔枝五首

五嶺人誇荔子珍老翁何事始嘗新憑君試譬  
輕紅看不帶開元一騎塵

看枝猶有露華腴誰把紅紗羶玉膚龍眼也隨  
君並熟一生空作荔枝奴南人號龍眼為荔枝奴  
出本草小逐將軍過五谿相看猶作夢中疑回頭  
欲問菴摩勒乞得微甘是幾時瘴嶺蠻村萬里賒  
可憐生不近京華荔枝猶想南中樹末利先看近  
世花

二物皆出南中近來吳中大夫家多種末利



東來坐見玉肌豐識面中郎舊譜中絕勝詩翁  
摘紅顆暮流<sup>年</sup>落到瀘戎

季子共見和詩次韻為謝

當日梨園壽太真荔枝香曲賜名新麻姑夢綠  
雙回袖舞徹遙知不動塵

禁中分賜盡甘腴旋琢壺冰積雪膚聞道風流

王閣老長鬚<sup>王</sup>遺送玉川奴<sup>王</sup>嚴以雪積荔枝分似季共

人把江瑤比荔枝枇杷檉捺更何疑枕柳葉外

和煙樹想得青紅半熟時

樽前風味要人誇瘴雨蠻煙度歲華乞得水晶

三百顆繡紅時看眼生花

霧縠囊懸小樹紅芳香應入笑談中世間絕韻

須真賞人物當先數阿戎

季子共聞余賦五詩猶未之見以三詩見

索因次其韻

閩嶺今年荔枝<sup>子</sup>遲生枝入眼可無詩誦君勝句

須街辟老將何由更出奇

夢對清樽看玉山荔枝空嚼<sup>水</sup>中寒心知不與

公同味始信人生一笑難

楊梅盧橘自成雙敢與冰丸作鴈行莫恠老翁







頻着句書生說食是膏肓

米元暉侍制歲以賜冰及荔子分似季

共而今年荔枝不至有詩次韻

詩老盟存恐未寒今年荔子不同餐空排白玉

千峯雪却憶紅砂九轉丹

銷得鑿坡荔子香玉郎言語似君房金盤何日

分新果五線先看補舜裳

醉墨猶多御府珍訪求公後出華勛知君家有

荔枝帖不減當年王右軍

謝陳仲褒主簿惠詩卷

霜雪頻欺老芝蘭日闔芳官猶似仇覽句擬學

常郎却島無前輩曹劉可鴈行它年尚相見此

地必升堂

李太白畫像二首

欲與天仙論等差短長何止但詞華誰人解屈

將軍手為脫烏皮六縫鞞

少陵詩瘦平生苦太白才高一醉間捉得江心

波底月却歸天上玉京仙

季共置酒、間出龍眠數馬以示坐客

最後出起雲妙甚為賦長句



君侯酌客黃金杯六龍下食慈明催醉開畫苑  
出數馬遠自大宛西極東起雲礪礪最後出真  
龍八尺高崔嵬青天欲雨未作怒雲潑墨烏  
成堆長鳴自恠西耳立路轉欲從雙挽回王良  
造父眼未識驊駟驪驢天與才朝從燕代暮南  
粵萬里一息何遼哉公今此畫何處得外家中  
郎李公客人間英物有護持世上丹青少顏色  
雙花蜀錦青絲囊還公此畫公須藏天寒夜半  
黑風起邂逅恐逐飛雲翔季共蔡天啟甥天啟得此馬於伯時  
韓幹畫郭家師子花此畫本江南故物自

腕而下絹素爛脫李伯時得之馬忠肅  
家補足之蔡天啟貌本以傳其甥王季  
共

神駒墮地無渥注象龍不復來流沙開元畫手  
老韓幹為作郭家師子花當年故物不堪看踏  
鐵四蹄俱脫腕英姿逸態猶精神鬣鬣風鬣血  
流汗龍眠畫足不畫蛇意匠異世同一家由來  
四大各假合得此三昧無等差中郎名高自年  
少畫工如山不同調人間意氣驚籟雲筆下風  
流真得妙王家人物小安豐作詩論畫公所同



一洗萬古凡馬空九原誰喚杜陵翁

季共以師子花見借作詩歸之而報甚  
寵且言隆近為余作數馬奇甚乃作此  
詩以見願借之意

畫史俗士非畫者支郎好馬能畫馬為君肯作  
數驂驢班即應歌天馬下前人筆妙俱絕倫後  
入骨冷喚不聞試借雲衢千里足洗我眼中凡  
馬群隆畫僧

季共以隆師回馬見示後三日作長句  
以歸之

少陵說馬誰擅場老韓曹霸江都王只今傳法  
誰得妙支郎為藝龍眠香沙平草細春日長何  
人識此真乘黃歸君蓬齋君卷藏似君千里萬  
騰驤

次韻相之木犀六首

拂色青衫不是粧藥珠宮裏淡鷺黃紫羅囊亦  
元無用簷蔔花應自有香

高樹層陰作翠雲月華霜暈醞餘薰人間韻少

花俱俗天上香來世未聞

西湖南北兩邊山牢落孤芳不柰閑好遣長鬚



挽黃粟付它桃葉伴雲鬟

故國幽姿想自妍只今誰與着詩憐竹籬茅舍

花開處望斷江南眼欲穿

留香欲住正須陰遠引山林却要深絕韻有誰

能盡得即潛詩妙最知心

玉折蘭摧事已休倡條無數綠陰稠此花獨與

蒼巖桂風雨平分萬壑秋

敢乞蘭金作詔泥年今已是古來稀一天細雨

家何在十載黃花客未歸萬事可憐俱老境故

人猶欲借餘暉但當洗眼秋風裏飽看雲鵬作

意飛

次韻陳簿席上見和

黃鵠摩霄未易知倦飛寒雀本來早頗慙陶令

歸田早政坐穰侯見事遲偶有酒伴鸚鵡舞苦

無人唱鷓鴣詞秋來湖上山方好食鈴重為汗

漫期

河伯小史白事歌

馮夷宮中池無土五更排衙朝擊鼓大官擁旆

呵馬歸小史白事當前語自言賦命頗奇窮一



生自足風波苦舡須把纜始敢放霧可藏身亦  
時吐防危慮患豈不至往々不知遭網罟河神  
笑謂小史言禍福不計愚與姦恢々天網自不  
失瑣々尔曹何足論小史夙退卷舌走顧視傳  
列圖前奔

峽守秦德守楚塞樓成索詩為作長句

異時魯直遷涪江過之命此名且書榜

今亡矣

使君才氣號無雙千騎新來館漢章此日樓臺  
新楚塞當年翰墨記黃香民安樂歲州何事江

入清樽客滿床十二巫山應在眼豈無遺事說

襄王

淮上聲名徹冕旒幾年邊鼓卧清秋五花未從  
甘泉駕百尺聊新楚塞樓暮雨已隨煙佩去長  
江空抱峽山流客來欲唾窻間句莫把城南比  
閬州

題蘇養直畫像三首

先生初出後湖時日落山寒醉不知更上蹇驢  
何處去灞橋風雪要渠詩  
名滿人間未足多曾中萬頃着煙波松江風月



無人見誰與玄真畫釣蓑

水上柴扉閉不開蒼山羔鴈九天來玉京已有

神仙籍莫恠青山喚不回

十月九日霽色可喜

屋角梅花欲弄晴耐寒庭草尚晶熒護霜雲重

知何事留得芭蕉作雨聲

朱門深閉得香多暖日烘簾氣自和此地有窻

無一席固應宜着病維摩

江上南枝暖欲妍小春時節又經年誰知一點

還鄉夢直到梅花樹子邊

次韻李共蓬齋新梅

王郎巧催花妙語回枯橋譬如奴反菟香能使死

者蘇詩成花亦開小草時卷舒頗如風前柳勝

韻花中無蓬齋姑射仙不待折簡呼芳姿倚醉

玉未用須人無與君作周旋此德良不孤移根

始山中一笑傾王都坐令桃李花淺俗皆凡夫

槌机滑以淨雲窻窈而虛醞白奪寒雪軟紅空

九衢我久離山中問花今何如殷勤語弱幹何

日繚課獠奴於花苟得計而我亦何愚此意儻

復遂瘦地良可鋤誦君種花句撫卷長嗟吁



聞朱希真請老二首

平生恨未識朱遊每得清詩慰客愁  
泛宅清茗真得句掛冠神武更何求

久厭朱袍裹玉仙幅巾黎杖老山間  
從今魚鳥緣應熟只恐鴛鴦債未還

次韻范元卿題友山堂

朱作長短句有道人還了鴛鴦債未還之句

人間南北無同異四海兄弟俱一世  
借令賣友取封侯一擲成盧亦見戲  
東平風度人所難不將白眼看青山  
少年結客知無益老喚山相與  
閑難人情自是有新故相好乃能保  
朝暮故人

落井已下石紅袖彈箏未移柱  
玉巒排秀天清

明亂峯入眼心先傾向來  
別頸成蝶血此地一笑終忘形  
平生愛山心願見喜色津、應滿面

寧愁偃蹇不受招一鶴孤飛誰可見  
無住菴主為余寫真報之以詩

驂驄固絕足韓幹真畫者儻欲萬世傳  
當畫千里馬吾才如跛斃子不解騰跨  
初無爾雲姿何

勞入摹寫支即妙人物名聲半天下  
事苟不當意操筆有用捨一逢菘非翁  
終不陋朴野無鹽

元自醜強欲相粉赭至技不可名  
厚意徒見假



我欲報之詩有作非大雅

孤山之巔舊有開氏四照閣頃年部使者獻西湖圖神廟閱圖久之問關氏四照閣安在部使者失對其知名如此昨日馬過下山見袞衣荷鍤數百人問之則軍中藏冰於此也

山頭傑閣想崢嶸當日佳名達裕陵豈料生存華屋處將軍於此窖寒冰

次韻相之見過口占雪中新句且許約季共攜山谷書伯時畫過弊廬

寒欺玉樹雪橫斜遙想諸郎擬玉華玉華鹽名出金樓子更借

蟾蜍千里月細看簷蔔一林花公名已在曹劉

上我輩裁堪屈宋衙聞道高軒同二妙竹坡猶有雪煎茶

次韻季共和相之作前二首

誰從玉闕遙萊殿次下仙人夢綠華風急有時

翻柳絮月寒無數着梅花時開病眼看三白勝

着青西衫起兩衙款煮南屏山下雪問誰能點

老謙茶

雪意鬢，整復斜似人雙鬢不勝華只今瘦馬



歌風帽空憶江寒釣浪花妙舞正看回激楚兩  
鋒旋歆戰彭衙不將監絮輕相比似我南窻玉  
色茶

寄題強常州烏墩新作濯纓亭二首

使君如冰壘不受世俗塵何為解吾冠濯髮天  
池津開門納滄波自與雲水親知誰分清流照  
此千載人  
濯纓須滄浪彈冠必新沐昏不可受皓亦  
易奪借令同一塵未易澆冰玉勿從漁父談恐  
自成窘束

送孫求仁官黃岡

黃岡古淮邦其大不如斗誰知長空宮即萬馬日

奔走天教著詩人此地實林藪頃來常盛年玉

公號賢守三年江上杯快飲竹樓酒東坡營雪

堂始種坡下柳至今有遺跡過者為回首後來

老門生張文潛嘗詞翰玉堂手謫官茅三間門巷

無鷄狗孫郎飽文韞云貧病亦已久着履知有上

捉衿乃見肘抱經官殘州一飽亦難偶論文有

餘日為我訪白吏遺事儻可書尚足寄衰朽今上御名

勿止寒溫作書問安否



謝吳司戶寄春陵四石

何年山嶺化作龍起伏安得挽天河看龍吐

飛瀑

往穴城南窻分山得遙碧誰持削玉峯來照蝸

牛席

吳山非不佳故山終眼明南來一拳石似我小

崢嶸

孤峯真嶮竒凝結自太古便恐江上山培塿不

足數



程

7